


類編増廣類賓文集

百廿七至百三十七



0 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

C Y M

© Kodak, 2007 TM: Kodak

原本の文字など不明瞭な箇所があります。



文庫

東坡增廣穎濱先生大全文集卷第百二十七

余擢

西坡詒詞

醫官元瑞叙權易使

勅其爾以方伎事上前以不効失官後以有勞進秩時既當嚴而法非其
故疑而後存古之道也祗服異因益勉無怠

交趾使黎鍾吏外副杜英輦東頭供奉官

勅其等梯航之勞不憚嶮遠職貢之礼克遵故常特加朝命之榮以爲海
邦之耀往復恩寵無發忠勤

鄧忠臣祕書省正字

爾昔以賦頌之工登圖書之府終喪來見舊學未忘往祗厥官以卒前業

晁端彥吏部郎何洵直司勳郎頌復禮部郎

某等朕慎於用人進必以漸考實已試之効常懼或失其人故使端彥以
功籍之明升領右選洵直以典禮之修進直勳府復以奉常之勤擢佐春
官庶幾習焉鮮有敗事尔等其明識朕旨省察茲吏剖決留事以稱

官

辛酉太常博士韓宗良光祿丞孔平仲太僕丞

勅某等朕綱羅雋乂而分之職事以養其才能苟無曠官有造無退雅自飾藹然有聞宗良世族之良勤於厥事平仲詞學有本敏於為政皆由已試之効當吾欲遷之選夫奉常三禮所在而膳羞開牧朝夕之所有事也其勉悉乃心務舉其職以稱朕意

元耆寧館閣校勘換校書郎

勅某先帝始復圖書之府並建官屬而收校讎之職爾昔以大臣子篤志學問列於石渠終喪而來官匪其故祗服新命勉思舊學以克嗣世

龐元英鴻臚少卿

勅某朕嘉祖宗將相之臣有德于朝有勞于邊訪其後人長育成就以勸勵百辟矧爾風力強濟出入有聞贊導國容職高而事寡茲朕所以追寵先正之意爾往勉之可

閩木太學博士葉濤正

勅某等天下之士視成均之所趨向以為風俗朕方患其學術之雜駁而文體之流蕩思得知本務實之士相與正之木才質端厚學有原本濤議

論堅正行極純潔其往帥多士喻以朕意

吳安持司農少卿崔公度將作少監

勅某等朕用人之廣寔惟其才上自公卿之家下迨山澤之儕一有可任不論其出以尔安持賢相之子所見者大歷試煩劇風力有餘以尔公度恭自東南文采自表用之諸寺職業不廢遞加進擢以慰勤勞或勉興九農之功或益修大匠之政朕將考察其實以觀成功可

吳淵西頭供奉官俞諤左侍禁

陳烈落致仕福州教授

勅某維孝友子兄弟是亦為政尔以篤行見紀於東南雖老而不試可以無憾朕方欲推尔所為施於鄉人其起視學校使諸生有所矜式

龔原國子監丞

勅某尔昔以經術教國子矣中以罪廢而士大夫高爾之義有司薄尔之過其往汝永事使天下知朝廷用人之周無善不舉

仲葩達刑

勅其已者衛宿之臣勤勞于內刺舉之吏捍守于外蓋官稱其事祿并
事功既修然後得之今朝廷以仁治親爵秩之施舉從其厚故尔以積年
為勞攷課當迁然其朴孝弟恭儉持身有法則亦何以及此其服我恩命
勉於自修使寵祿日至而無滿盈之患以稱朕意

游酢大學錄

勅其凡有職於成均者皆士之秀也尔以學業之茂獲與茲選勉修其行
使士大夫有觀焉

張舜民監察御史

勅其御史之官知無不言則朝廷肅時然後言則天下信嘉謨嘉猷朕
之所急也用人之慎孰先於此尔以文行風節見紀於時方召賓石渠而
臺以名聞往祗厥服使言必有物行必有常以稱朕命

張績秘書省正字

勅某用之則行舍之則藏此孔顏之行而士之所師法也尔昔以直言進
流瀆不用十有餘年安於潛默不愠不求今予命尔於貢觀將用之也其
勉修所以行之者以稱朕意

李執柔司農寺丞

勅某大農事歸於地官則丞事益簡然卿寺之屬皆五品養材之地也尔家
世名臣業復修飭往祗厥官無墜先烈

章京吏部馬琉璃戶部韓宗古司封吳安憲都官黃景職方郎官
勅其等先帝以礼樂刑政責成於文昌用人之難非它官比清曹劇部尤
重其選惟能試之有漸是以用無不宜以尔筮按察西南治辦不撓琉璃
領徒隸從容有餘宗古出入臺閣有靖慎之風安憲家世公卿有練習之
譽景質性端茂學術有聞並稱一時之良為我庶政之助譬如衆幅各致
其用然後大車得以運行勉悉尔心以稱朕命

盛僑國子司業

勅其先帝肇新辟雍以養多士於茲歷年學者雲集師儒之任比益重焉
足以增命樂正之官以輔司成之教尔以老成端厚久於郎曹往祗厥職
勉於訓勸無使陽城韓愈之流專美前世

黃庭堅著述佐郎

勅其二曰史記言勸之詳而宰臣紀時政之要以授東觀會而成書

善與之爲後世得以效焉苟非其人何以取信尔孝悌之美著於閭門史之功稱於朋友昔張衡崔駰張華東晉皆以才行久於此官朕旣思見古人尤尚追配前烈

劉奉世起居郎孔文仲起居舍人

勅欲治國家當先得士頭者人物之評廢而長育之道微朕頤瞻周行惻焉興歎或盤桓不次而未用或沉伏下僚而莫知將以責成治功折衝遐迩人不素貞其何賴焉真官劉奉世家世名臣才領風發試以治劇煩而益明具官孔文仲進以直言文史足用責之典礼守正不阿斯皆一時之俊良多士之領袖方欲寘之侍從益當養其才能左右史官号爲要地前後達者皆由此途手刊冊書足以明枉直之効密侍殿陛足以觀進退之詳益勉自修以湏不次

杜常兵部郎中

勅某夏官掌天下兵事而邊防禁旅馬牧之政比皆隸於西樞則事益鮮矣爾以吏能久於其屬於法當遷夫以久習之吏而治益鮮之事宜其無不辨也往率乃職益勉毋怠

劉放山書舍人

勅士有博學而不文甚文而不達於政者矣朕惟人才之難拔士之急凡所擢用惟其所長矧夫名在文學之科才兼政事之選釋而不用夫又何求具官某能讀墳典丘索之書習知漢魏晉唐之故中秉直諒發為謀猷方其流落之中益聞豆弟之政比召還於冊府將漸貽於近班適以病辭勉從所請汲黯雖安於臥治蕭生雅意於末朝眷予侍從之華實司空令之本惟詳練可以弥縫庶政惟辯博可以鼓舞四方尔其勉盡所長朕將觀尔於是

西中書舍人

勅朝廷以勞令鼓舞四方言之不文行之不遠昔河西諸將讀畱書而知天子之聖明河北叛臣聞赦令而致武夫之涕泣故朕思得良士俾代予言知民物之至情識邦家之大軒擇之久矣僅乃得之具官曾肇少知爲文久益更事家傳父兄之學言有漢唐之風汗簡編年手紬金匱執筆紀事密侍丹墀比於簪牘之餘試以絲綸之作油然不竭煥乎可觀俾即拜於四門于益觀其來幼雖文稱蘇李未足以爲賢而事問高崔庶幾

用効方正竭公稱異恩

葉溫叟度支郎中

勅其朕既克己裕民凡非法之求罔不罷去而國之經用率如故初是以思得強敏之臣理財節用以羨補不足尔以儒雅吏術有聞於時其能量入爲出助成地官以濟我邦計

李琬太醫丞充中山獄廟令

你以習禁方善救諸苦勉思賦祿之厚益勵好生之心

常安民鴻臚丞

勅某爾進由儒術舉以民政朕將觀尔於近以信其遠典客之職號為優
暇益勉無怠蓋將有考焉

范子奇司農卿

勅司農之政歸于地官則卿事寡矣然朕觀兩漢之士政事如朱邑惲隱學
如鄭衆皆老於此官則前代用人蓋不輕矣且官其家世名臣詳練吏事
出入中外治辦有稱居九卿之列修后稷之政益勉無怠以答恩命

顧臨給事中

勅朕欲網羅天下之士而患知人之難惟有歷試之詳重以旋觀之久雖
復堯舜何以尚之具官其樸厚之性出於自然直諒之才可備三益守道
安命端靖不苟三十餘年晏然一節外督漕事公議惜之維是東其事對駁
之司實予方機出納之地宜得守法之士以為過舉之虞尔其勤事典常
附以經術令有不便知無不言使天下之人不能指擿而議則尔職舉矣

胡宗愈吏部侍郎

敕吏部分列三銓而長貳各領其一其為權任重矣天下官吏至於其間
長短有度輕重有數而猶患不得其當者更撓之也朕敷求雋良付之流
品意在是矣具官某學術之茂冠於東南操履之固不流虛俗試於封駁
任職不阿方今吏員冗溢待次者無筭尔其去留難之吝寬帶積之歎毋
使吏操其柄而士失其職

叔攷等三十二人並除右班殿直

勅其男其等士勤身苦節從事於文武積累歲月僅乃祿仕以免於耕勞
亦至矣今宗室之子弟一而官其克孝悌於家忠信於國識吾尊祖斯
宗之天下以終保祿位

王舜

王確山縣尉獲職二十
人除左班殿直

勅其盜發都境而能率衆攻討殲其徒黨非特武力之勝抑亦智慮有過人者矣寵以勇爵以爲能吏之勸

彭次雲吏部郎中

勅其以資格用人所以爲公也而賢不肖雜糅無以獎勵士大夫朕旣命有司講求其方矣尔爲地官屬以才能稱進領銓事其悉心流品思稱朕意

張端洛致仕依前朝奉郎

勅某君子之仕進退無常惟義所在尔昔以強敏之資達於從政由病賜告未老而歸比於恬養之餘復有願仕之意朕方篤於求舊急於用人祇服前官以聽新命

孟永和轉軍器庫副使兼翰林醫官副使

勅某以醫爲職生死係焉不幸而失豈專其罪也更大需其益進厥官俾精術業以荅恩命

傅堯俞御史中丞

勅枉直未定決於繩墨之平是非相秉臨以法度之士比朕續服之始群議紛然實賴耳目之司力陳骨鰱之論逮茲閱歲浸以成風然而神所存乎其人衆正可以無咎余欲一變至道固湏多士以寧具官其稟然直諒之風出於豈弟之性蚤爲御史議論不阿山列諫垣言政多悟流落雖久志氣益堅俾還侍於畿間日有聞於礼義執法之任非尔而誰蓋政無舊新以便民爲本人無彼此以得賢爲先朕將允執厥中尔尚不牽於俗

呂大防中書侍郎

勅用人先於求舊爲政莫如守成朕若稽祖宗之遠猷祗敬神考之近事繼羅遺放而寢火任勤舊崇尚寬簡而慎守典刑茲予一時股肱之臣率皆三朝耆舊之選圖任之意炳然可知具官其器宇博深才智強敏蚤遇英祖亟聞直諒之言中事裕陵不改忠誠之節翹翔外服所臨有聲綜轄中臺百務咸舉甚和而理處劇不煩朕方欲力行忠厚而患其末流之墮媿追復賦役而惡夫下吏之侵擾思與在位同協厥中集貳西臺之降益敦大政之本朕旣開懷以用善士尔亦誠意以報予其克一心同底于道

劉夢永

勅漢侍郎大夫任其職則為丞相近世中執法議論不撓亦補執
我仁祖優養正士開受直言時則有若苞拯張昇之流咸以敢言獲聞大
政舊俗已遠此風寂寥容悅相承亦有不用朕追懷先正選建忠賢諱二
之聲庶幾前列其官其名以御史祗事裕陵力陳是非不避權寵牛生流
落志氣不衰召置臺端首開正論進任中司之要屢聞白簡之言風聲震
然國是以定朕欲試其行事之實是用付以右轄之權治忽所閑寄任尤
重夫以言責人甚易以義持己實難尔其勉之毋使輔政之功不若言事
之刻

丁恂少府主簿

勅其古者謂少府為天子私藏朕為天下夫復何私惟是技巧之工以共
禮樂之用尔以吏能掌其典籍法度之事其講明之

鄭佶都水監丞陳安民簿

勅其等朕既平政以便民民少安矣而大河以北水不潤下昏墊為虐故
當今之政水事為急以尔佶嘗丞水官練達有素以尔安民屢試民事治
辦見稱其益講求本原以稱厥職

穎濱先生大全百二十七卷

類編增廣續濱先生大全文集卷第一百一十八

西掖誥詞

范鎮可侍讀太一宮使

勅為國無強於得人用人莫先於求舊朕靡選賢俊至於側微患其德
望之未充而典刑之未練舍駿騁而不御臨長道以咨嗟昔人病之予何
疑者具官其文冠多士有楊雄之遺風仕歷三朝守劉向之忠節蚤事仁
祖首開社稷之言晚說裕陵復陳堯舜之道自處以義歸不待年身友鮑
樵已無求於當世名書簡冊悅或疑其古人孽子纘服之初日思講義之
益謂白首窮經之樂尚可推以與人而貞祠訪道之游足使退而養志勉
徇予意毋留所安

常安民大理寺丞

勅其吏習於法而不更治民關於論報而不知為政朕疑其未能盡法之
變也尔以經術進而治縣有聞考課稱最往蒞承事庶幾有補於法

勅其朕方出帶以修庶政舉廉退以靖風俗以尔學有本原聲聞

丁鳴太常博士

一時交游皆至 通顯而循默自守浮沉管庫將二十年不以爲耻

孔樂之地教化所從出也因其職事而施尔舊學朕將觀焉

陶世延強縣人死于順州邢選吉子吉各補三班借職

勅其等惟乃祖父以身徇職義不旋踵寵尔一命庶幾知忠力之必報

錢式三班借職

勅其國家廣漕東南以實中都尔董其事免於失錫以一命益勑無怠

孫覽河北運副除右司郎官

勅其奉使北方治河而備邊任亦重矣以爲未足以盡其才也召而責之都司吾之所以責任尔者可見也夫分治六宮事無巨細畢陳於前若網在綱振之則舉弛則盡廢尔昔旣稱治辦矣勉旣厥心以觀來效

王令圖可都水使者

勅河西流汎溢千里河朔之民以蒲葦爲生興魚鼈同居朕中食而歎思得明習水事之人而與謀之具官其老於從政才乃有餘出入兩河間知其得失久矣水官之職尔實宜之楊焉王延世之功朕有望焉

孫升監察御史可殿中侍御史

勅其朕方共默不言責成於有司正賴耳目之官別白忠邪論辨得失言而中理則予汝嘉不幸而失予不汝咎尔爲御史期年於此矣察其所爲忠毅不回以次而迁庶盡其用尔其深識朕意知無不言言無不盡安意肆志無悼後害

陳紘可倉部郎中王舌可工部郎中

勅其等漢郎官出宰百里今部使者入治諸司其爲輕重異矣朕於是考察多士近而觀其不煩遠而觀其不墮庶幾有得以待任使以汝等久於吳越優有善狀故使紘治字廩古治予工其益敬厥事以底成績

鄧羲叔主客郎中

勅國有四方賓旅之事則主客掌其章典簿牽之節其疏數豐殺皆有常度遠人於是觀禮不可以不慎尔旣掌其事矣以資營利其益勉之以稱其職

劉絢太學博士

勅春秋之廢於今二十年矣講者不以爲師而學者不以爲弟子孔氏之遺書而陵遲至是朕甚閼之尔能講諫其說遭弃而不廢蓋將有見乎

署夫三傳之義其得之者多矣附以啖趙無蔽於一家庶幾士有考

趙君錫太常少卿

勅太常總禮樂之政兼伯夷后夔之業平居無事若無所爲至於郊廟社稷之儀朝廷上下之分一有大議罔不責成昔叔孫通爲東宮傳以習於園廟復命此職趙宗儒失不任事由卿而罷爲東宮師用人之難蓋自別世具官其篤於孝悌居家可紀敏以從政臨事不煩予欲決嫌而明微蓋有取於靜慎此官職清而事少亦將便於老成往服優因勉揚厥職

孫謗太學博士

勅其士弱於專門之學而不治諸書不達前典施之於事罔焉不知朕甚患之尔博於墳史不流不固往司講解思所以救其失者

梁惟簡供備庫使

勅朕惟崇慶日總万機号令所至澤遍海內况其左右侍御之臣朝夕執事之勞而有不被其賜者乎坤成之慶國有常寧高勉忠孝以報其万

陳安期屯田郎中

敕某尔以能選積勞于工正升之文昌以勸勤吏矧司空之屬農部爲上

尔其益敬厥事以稱朕意

田侍郎淮南運判同淮南提刑

勅其楊廷春旱秋水民艱於食漸起爲盜遂使州縣狃獄充浦朕憂之未始一日忘也間起尔於山陽守參領漕事今又命尔督貳荆辟徒以尔習其風俗知吏民所疾苦夫眾貪暴謹追擾均有無赦貪盜賊此荒政之急也勉勤其職以稱朕意

在公岳成都提刑蘇必利州運判

勅在公岳等守令賢否朝廷不能自知天下利病吏民不能自言宣五德澤於下而達民情於上者部使者也朕既選用舊人而至其貪暴詔舉新進而汰其不以實者矣以尔公岳久任刺舉所至稱治以尔必家世文雅通於吏事益利儉遠民罹荼鹽苗役之害罷瘵未復朕念之深矣其悉乃心謹察苛吏與民休息毋發朕命可依前件

李傑梓州提刑陳鵬運判

勅某等東蜀諸郡以西南夷之亂輸輓供億民不堪命朕旣寬而養之疲瘵未復而春夏繼旱有艱食之憂是必判舉之吏其選尤急以尔往

參使事久勞于職書智且故以爾鵬生於其鄉長爲之吏詳其得失故
傑察其刑鵬佐其善朕於遠人所以念之者至矣推于此心各勉於治

部江西提刑何琬府界提刑

勅其等朕惟古之聖王不泄迩不忘遠雖在江湖万里之外眎之如畿甸
之間是以並擇才能以察犴獄以示極出將使指入叅郎曹以示班比在
江淮積有歲月咸能慎听施設紀於吏民夫寃民滯訟苟爲不察雖堂上
有不能羈苟爲察之雖遠何患往祗爾事克慎庶獄以稱朕意

王兢湖南提刑

勅某朕俾士大夫入治省曹出按州郡非特以寵祿厚其身也內則習知
朝廷政事之軫外則審察吏民情偽之變踐歷既久獎用亦重尔部督倉
庾才力有聞惟是湖湘之遐民習險陋之故犴獄所寄得人則安其尚悉乃
心罔以内外之殊而不盡其力

王瑜京西提刑

勅某官宿其業則民安其政方今吏溢于額朕雖欲行之而有所未暇
以示案刑于淮甸歷年之久民無怨言茲復命尔督視許鄧楚雖不同而

職事如一庶幾練習之故以無曠弛之慮祗服新命益勉無怠

張綏湖南提刑

勅某爾昔以常平奉使官發而罷濟南大藩民富而多盜希政朞月人亦
用乂荆湖之南地遠而多嶮民悍而喜訟犴獄之寄惻于予衷往祇厥官
布欽慎之意蓋朕之用人惟善所在不以遠近爲異尔其勉之

勅某地官掌財賦之出納而辨其登耗尔佐其事累年干茲亦已勞矣矣
越之人文巧好利狃獄多有沒長於其鄉而知其情偽往將典憲鉗其豪
強而紓其無告以致予欽卹之意

張元方權發遣府界提點

勅某畿邑之廣管吏眾不能當諸道亦明矣伏朝廷置使以督其政
刑則與諸道比蓋所以詳治都鄙而儀刑四方不可不慎也以尔才力之
裕習於從政往祇厥官務求實効十里之近耳目所及吾得以觀尔

馬城湖北憲

勅某尔轉漕汾晉之間以羨補不足歷年于茲亦既勞矣并楚雖委

獄之治方漕爲簡其克清心慎聽使江漢之間無冤抑之民以答恩

林旦侍御史權淮南運副

勅其淮司之民荐罹飢饉力者詔發倉廩輒吳楚之漕以拯其急猶以乏食流徙達於朕聽朕惟救荒之術行之略盡惟得良使者因事施宜爲若可賴尔由郎官以才任御史督於揚楚之故其爲朕往視之均徭薄斂禁暴戢姦無使斯人重被其困

田子諒湖南運判

勅其天下之治緩急相矯常過其量力者常爲刻覈之政矣其敝也徒事文具而民受其病今予欲以寬治民憂其未流頽弛而莫振夫推予意而布之州縣部使者之事也公卿言尔才力有餘試之南方寬而不弛察而不苛則予尔嘉

謝卿材河北轉運使自陝漕徙

勅三路之重一也閑中夏秋豐穰差人欵附而河朔大水人民流離北顧之憂於是爲急具官其強敏而惠靖重而文風節之厚追配古人踐歷之久号稱循吏今河決西流而堤坊未工民棲丘隴而播種未期未能相

望決之宜通有無之積以寬民力而紓吾憂此朕所以用尔於北方之意也

馬默河東運使

勅其汾晉夏民儉而能勤易以術富比緣兵役之後蒼痍未復思得靖重愛民之人爲朕同察害政之吏以尔博學不勘從政有方文登之民至今頌其遺愛彭城之治復詔首發皇母是用輶從大農寬我西顧朕於用人民中外之間尔於報國無終始之殊務安邊民以稱朕意

岑象求利州運判何琬江西運判

勅其等朕爲官擇人不唯其才之雋良亦因其人之便習欲使上下相得所至即安以尔象求學有本原持心近厚昔在蜀部遠民冥之以尔琬才力敏明爲政不擾頃居江左列城賴焉往修鄰道之政無替已成之効使西南之人雖在遐僻千里之外咸知朝廷愛之之意

吳革江西運判

勅其江西地薄民貧嶮而好訟頃者有司失計以鹽賦民秋歎無聊困弊愈甚朕雖已弛其峻密復葺其故常而蒼痍未平念之未嘗忘也尔以才敏耀守廬陵知其吏民之難究其本末之變往佐漕事忠所以安而養之

稱朕意

李周陝西運使

勅其開中之民勞於征伐而弊於飢餓久矣朕既為之令塉以和諧我天
維顯思助我豐歲粒米狼戾空盜富穀藏逃出中都之泉以廣窮民浸之積
猶恐更不時具而民或未寧分五丘臺全夏在溝吏爾忠厚之性見紀於時
治辦之才屢試以事往推朕旨去盜賊之害而督催禦之宜使疆場永安
而民以無事

晏知止成都副運副秦中梓州運副

勅某等蜀嶮而遠民弱而畏吏失其道民殆無告復而不堪或以生事故
朕選任使者必先循良將使吏不為暴而民不失職以尔知止賢相之後
文雅有餘以尔中治術之精前後可紀託以二蜀之重分五千里之憂尔
其急更緩民深賴朕意

山沱子竒河北轉運使

勅其河決而西汙漫千里聽其西流則堤防未立郡縣受塘水堙塞道之
東徙則功費極大民殫於役水未必聽頃者議論紛糾未知所從人民流

散靡所安止朕中食嘆息思救其患以尔任寄之父才力有餘須將北漕
首講茲事是用由錫前命責之成功夫使水不潤下民不宅土則征賦靡
敝帑廩耗竭漕事盡廢尔將何以尸此其往悉乃心博謀於衆詳究利
害以時上聞朕將考而施之尚勉無忽

侯利建京東漕并亮采河東漕

勅其等齊留之富甲於四方而連歲水旱民艱於食盜賊將起汾晉之貧
甚於西邊而逮秋豐歲粒米狼戾收斂為急朕思得良使者以濟一方之
宜以尔利建忠節強勁安靖不擾以尔亮采才力敏濟察舉有方卓然
已試之効庶幾諸道之選往祇厥服使民食無匱而邊儲有繼此予所
以命汝意也

范純禮發運副使

勅其慶曆名臣莫如文正之賢者朕訪其後人真之於朝如見遺老以
尔慎靖而文肅恪而通能其家是以擢於文昌之要付以禮樂之事而
乃畏避權寵自嫌閥閱東南漕事國用之根本任人之重朝廷難之均
通有無以資中都非特私請之便實亦當今之急也

張頡侍制河北都運

勑河決累年堤防未立西山諸水汙漫無歸屬此秋霖鞠為汙澤朕比顧之念寤寐不忘雖振廩已行而宿麥未廣欲使斯民無艱食流亡之患要在使者有愛人惻怛之誠具官某翁分刺舉之權旋委方州之重以勤勞久次之選居出納右部之繁趙魏之憂宜任其責農桑之政勉盡所宜特加延閣之華以重外臺之寄

類編潁濱先生大全文集卷百二十八

類編增廣潁濱先生大全文集卷百二十九

西掖誥詞

外任

林希集賢殿修撰知蘇州

敕某朕歷選多士以備左右侍從之臣股肱之良旣出於此尔以文學政事有聞于時擢從右史試以書命而行已不靖遽致令言朕不忍弃才尚寵以書殿往涖矣俗思慎厥終

楊傑知潤州

京口江浙之會而楊楚方飢仰食隣境朕思得良吏通其有無以濟民病爾以冬官屬續用有聞而欲自試以治民朕不汝違其究乃心以底成功民為論者所稱朕將觀尔于是惟寬而勿弛明而勿苛則予汝嘉

蔡立知鄆州

武昌控引江漢勢居上流古為重地非練達政事不以畀之以尔久於治勅某朕進退天下士大夫不惟其才惟其行蓋素有不能正身而能正人者也下以旌族之後實為部使者矣而不聞于家厥聲達焉法不可置止

盛南仲知衡州

郎南郎位允祖告

虞肇知鼎州

勅某武陵依重湖之深嶮據五溪之走集民夷雜居剽輕易擾惟守以安
靜可以言治爾昔以才舉爲御史屬官久於牧民宜在此選無煩條教以
便遠人

胡田知誠州邢浩知欽州

勅某等欽誠爲郡雖有新舊之異而民夷雜處不可一以華法治也田自
欽易誠其習南越之故矣浩自環慶往亦知所以治邊之宜惟寬可以懷
遠人惟廉可以服殊俗輔以明斷其固有不濟

張璪光祿大夫資政殿學士知鄭州

勅昔我神考收擢俊良宣子永弼惟茲內史之重實綜方機之繁朕方將
圖任舊人與之裁成庶務乃者總章大享百辟在廷時予重臣獨以病告
不忍賢勞之久力求補外之安曲成其私勉遂所請且官其名臣之後風
流具存儒術之英文史足用詳練政事究通物情擇俎可禎以折衝無錯
亟觀於游刃輶自西臺之要符以新鄭之雄加秘殿之寵名兼進秩之異

數使郡縣識朝廷之意而官吏知鄉相之賢表師四方朕尚有賴

章惇知揚州

勅樞臣之長出列郡汝海之地僻在連山邈焉卿黨之遐疑失親庭之
便朕方以孝治天下德綏臣鄰宜推茂恩俾易近地且令其蚤以文詞中
選拔於衆人中以功名自期被遇於先帝逮予纂服亦既期年比緣
議論之美授以方州之寄澹然自守綽有安靖之風而治民不失綏懷
之體春秋楚之重地據吳越之通途仰足以分予南顧之憂俯足以慰尔
思歸之願軼朕至意勉於裕民

張之諫知順德軍

勅某守土之臣皆欲久於其事矧夫邊吏內撫軍旅之政外御夷狄之情
非胥其故何以能稱尔以材勇謀略出入邊鄙安定之治綽有令聞是用
就易猝竹往施舊政蓋所以安静疆場非獨便尔私也

張利一自真定總管移知代州

勅邊之宿將國之干城處則爲民社之寄欲其不擾動則當金鼓之震
其震卒之百實難其人且官其壯爲將家久習疆事特重有守得守

吏之心善以多朴知敵國之變應門極邊密迩彊弱方懷柔遠人以安中國尔其謹守吾圉示之以信而裁之以義適寬猛之中以稱予意

王荀龍知瀘州李孝純知梓州

勅其等治國如烹小鮮蒞官如製美錦以煩手耳苗則苗必漬使學者製錦則錦必傷朕知斯民之艱難擇人而養之閔閔焉若將不及以尔荀龍典刑舊德昔於爲政以尔孝純家世循吏屢典大邦瀘淵無棣皆河朔之要擇以付尔其益勉之朝夕無怠以深副吾望可依前件

郭達自致仕起知潞州

勅秦伯復用孟明是以能霸蜀人亟誅馬謖終亦無功朕周於用人篤於求舊雖設干羽以懷柔異類而聽鞭鼓則無忘將臣豈其舊勤以廢不用具官其釜學弓劍晚通詩書勇而有謀整且能暇威名攝於西鄙柄任及於中樞南伐無功嗟伏波之遂弃退居能飯知廉頗之未衰擢從解組之餘復寄長民之任過而能改豈一眚之足云窮當益堅或來功之可冀勉

方圖報以稱異恩

何正直知梓州

敕東蜀地峻而民貧不如西蜀之厚而戎獫被邊民夷雜居安之尤難
朕方貢賦役以裕民正疆場以息衆連帥之任宜得其人具官其奮自東
南擢居侍從參議論於臺省布條教於方州以自長沙復臨上黨出入既
久當識朝廷之心寄任愈隆初無遐迩之異務爲安靖以慰遠民

胡宗哲遂州張太寧漢州

勅某等朕惟西南之遠弛鹽利之害議茶榷之弊以寬其人矣惟是役法
久而未定吏緣爲姦人或告病夫因事制宜法不能盡順民施法責在守
令宗哲家世公卿習於吏事太寧生長蜀漢知其風俗遂漢名郡皆東西
蜀之重地苟能平心正身貞治繇事以寬民力則太守之職舉矣

李挺知唐州

勅某異時爲郡清心潔已平政理訟斷爲賢太守矣朕方變役法之弊新
故紛然民意未定京西沿寃役勞治之尤難以尔嘗試爲郡條教不煩往
宣朕意勤察貪吏使民忘繇事之勤此朕所望於二千石也

崔全通判延州

勅其等節儉以資以軍政爲重至於均賦役平獄訟實倉廩郡水事比更切

以尔才拜任貢高奴克勤庶事以分師臣之勞

王純臣通判岷州

勅其朝廷始復洮岷以其初附闊其憲令吏緣是爲姦政事不舉今其郡縣日益完矣嘗其官者當以近地爲此爾以選往其謹守條約毋以遠故廢職

葉康弼知劍州

勅其朕銓綜庶工獎勵失職思使中外樂事勸功相勉以治爾昔以選任使者中以事廢盤桓不誠普安蜀漢之咽賓旅之會地雜礮衍民艱於食往修厥官以稱恩命

張構再知豐州

敕某爾旣嘗爲九原矣知其風俗而習其吏民治之爲易使它吏往雖得賢者要必久而後治也使者旣以尔言勉悉乃心綏我疆事

蔡卞知江寧府

勅左右近臣入備侍從出典藩服胥知朝廷号令之意以見吏民情偽之本此朕所以歷試在位而成就人才之道也豈宜其文華之美發自早年

才力之優見於治郡宣城之政數月而成秣陵之徙百里而近旣助予治亦安尔私勑修厥官以荅恩寵

王安禮知楊州

勅淮南天下之重鎮也俗本剽輕習吳楚之舊歲仍大旱有流亡之憂朕深念其民尤慎所付思得朝廷之舊以殿東南之衝具官其吏治有餘儒雅足用昔爲京北休有治功其發擿姦伏明而不苛其推行惠術寬而中理遂領臺轄以東國成方先帝厲精求治之秋有大臣進賢退姦之助久於外服稍易近邦其克爲朕舉荒政以惠民謹追胥以助治寬我南顧康此凶年

林希知宣州

勅其尔名在文學之科而才兼政事之選比以吳郡生齒蕃衍學者如林假尔才名以重其守而濶籍所在重以親嫌飛章自陳懇求易地宣城大藩亦東南之要往涖其治服我異恩

鄭寔通判永寧軍

敦某比屢委厚而士武都好輯遠日以無事尔昔嘗以才汎別舉矣久而

國誥行真，下里淳，免無忌。

李詵自軍頭司除知忻州

勅具官其武吏當守四方以干城吾民冗於內服糜以羣事雖有才力智勇無自而見尔壯本將家習於武事求試於外朕不汝違夫治兵欲整而治民欲安能整其安則疆場之事吾無慮矣

邢恕知汝州

勅其觀過而知其人君子與之尔有志於時而不知力之不逮以陷於有過徐察其中蓋有足矜者臨汝古郡民朴而事簡可以自養益務修省不

汎弃

勅其老吾老以及人之老此朕所以教天下之孝也尔比自漢東恩移汝海國有常典中止不行朕終念篤老之親宜得便安之養特申前命以慰

慈心服我異恩益思報稱

劉淑蘇州胡宗哲宿州

勅其等姑蘇之競冠於吳越符離之災接於徐毫因其富庶而待之以法郡乃可治乘其飢饉而濟之以惠民亦肯懷苟得其人所至而定以尔淑

治郡有方吏民不擾以尔宗哲臨事必辦才力有餘往因其民以立其政使富而不溢貧而不怨以稱朕意

許彥先知隨州

勅其等河東邊城俗儉而兵勁吏能守法易以爲治尔等才稱武吏之選多而頗無善人以爲之守乎尔彊有文譽晚習吏治尚無菲薄其民往求所以安之

王獻可火山軍李昭叔石州

勅其等河東邊城俗儉而兵勁吏能守法易以爲治尔等才稱武吏之選家本名將之裔往修厥政以寬治民以嚴御兵思稱朕意

遭誦遙團知保州

勅其惟尔先百克平吳蜀仁澤之深與江漢無極于今四世子孫盛矣時出能者昔漢唐功臣高密汾陽之家傳世赫奕不殞其業予甚嘉之今尔奮於閭閻之中休有搢紳之望練達兵事翼贊西樞屬邊守之湏才加使名以爲重予欲不違和好之舊而得嚴整之稱躋國承家有望於尔

李詵知澤州

油面

來其益。君莫如梁洋地逼塞漢之饒俗兼秦隴之豐年谷擇守黨羣其人爾頃為赤令勤勞滋久懷組過家無異鄉國服我恩寵勉思治民

袁說知博州

勅某吏部以格用人嚴鉉綜之叙雖有賢者不得獨進故使政事之臣視其才能資在而以時用之然後法不亂而才不滯尔以更能見紀歷曲勦郡河朔之民方以飢饉為憂往勤勞俠以弭流亡之患

陳侗直秘閣知梓州

勅某朕憂勞遠入過於畿甸以為吏之侵漁細民者遠則莫覓民之呻吟疾苦者遠則莫聞是以選任守臣惟難准實尔以臺閣之舊出臨閼陝曾未期歲厥聲茂寫朕惟東蜀郡縣之多思得循吏鎮撫其俗進直書闕寵光西南尚無菲薄其民勉修安靖之政

劉敏知辰州

勅某武陵被邊舊難其守比丘廣沅溪而控扼諸夷實賴茲土尔才堪煩屢累更事任尚能持身絜廉與物安靜以循養斯民懷服異類

韓忠彥樞密直學知定州

來有唐開元之初以儒將守邊靜則詳於治民動則計而後戰邊鄙不竦號稱得人茲予祖宗阜康兆民和諸戎狄垂白之老不見不革亦惟禮樂之士能收干城之功用人之明豈獨前此真官素元臣之後風力自將拔於周行旋付河間之重入參法從遂膺宗伯之選世有明德人無間言惟乃顯考嘗以旌節為中山守寬厚之化浹於斯民嚴整之聲震於鄰國三十餘年故吏遺民猶有存者今予命尔以要職撫寧斯土尔亦益懋乃德視乃先烈使北邊之人知韓氏有子予亦有后豈不休哉

蔡確改知安州

勅朕體貌大臣務全終始有善則藩飾褒顯以風勵天下有過則糾就諭避以曲全舊恩至於用法蓋不得已具官某早以才力奮於下寮旋蒙詔使致位元宰弟碩不類貪冒有素而溺於私愛以廢公議曲從舉吏之請遂成黷貨之辜其驕奢淫縱之狀理無不知而涵養蒙蔽之其殆非體國致煩言之並作雖欲宥而不能黜守小邦仍據舊職往自循省尚鮮至恩

呂公孺知秦州

勅秦改運重統制西戎刀者肇復河湟邊俟浸遠雖復号稱于地而賣蒙

事本根片人之難與皆無異其官其故相之後風流未亡舊復之重出入見紀臨民有寬厚之美治兵知節制之方偃然長城可託西顧朕方包裹甲兵以懷柔異類督厲將帥以完整邊防蓋非靖重無以爲安非撫治無以持久祗率朕意勉成厥功

向宗良知衛州

勅某士生於富貴者常患其懷安佚樂怠於功名尔以外戚之懿求試治民求惟此心有足嘉嘆衛雖跨河地實近朝勉脩尔政朕將觀焉

類編頤濱先生大全文集卷百二十九

類編增廣頤濱先生大全文集卷百三十

西掖誥詞

安宗說知利州

勅某益昌之民山居而谷飲控三蜀之要耕桑不足而商賈有餘不得安靖之吏民將有不堪命者尔昔以選用所至有聞不由吏部復典茲郡其益勉於從政以報恩命可

錢曄知真州

勅某五代藩鎮之家惟吳越之後冠冕相屬豈惟朝廷寵綏之厚亦其子孫忠孝之篤楊子重地據江浙之會守土之吏未嘗不選也尔以奉使之勤還領其事治民之餘得以瞻望爻祖之故國豈不休哉

王漸知階州郭進知順德軍

勅某等朕以恩信御夷狄嚴整治邊鄙常使我直彼曲彼亂我治庶幾兵民底于安靖凡守邊之吏皆當知朕此意尔等咸以才謀見紀歲習於疆事往武撤官肅戒無忘

萬尉士元石州李昭叙忻州李詵隰州

勅其等河內許郡大牙相錯皆密迩隣國有若民凡與茲逞其任惟一
尔等咸以謀略才勇所臨治辦或告親嫌許以易地將使吏卒無送迎之
苦而邊鄙獲安靖之便各勉於事以稱朕意

陳向知楚州

勅某爾為部使者薦士失當以致人言朕不忍廢尔山陽淮南之民荐
經水旱流亡未復勉修政事勞徧安集俾民宜尔以蓋前咎

黃好謙知濮州

勅某爾齒髮雖衰而風力猶在憚於朝謁亟請外官朕惟民政之難不惟
其力而惟其才俾朕得循良以牧養細民俾尔得暇豫以政治襄疾夫亦
向所不可濮陽之治尚能勉以圖報

康識權發遣鄆州今落權發遣

勅某朝廷急於用人故士有以資未應格進攝事者尔以才智足用擢守
鄜畤歲月既久治辦有聞俾正厥官益思所報

郭知章知海州江公著通判陳州

勅某等天下之士非舉無以知其賢非試無以効其實舉之於衆而試之

以孚此先王所以求賢責實之方後世之所不易也尔等咸以才名薦於
近臣朕信而任之使知章守海東使公著佐淮陽勉悉乃心朕深觀尔所
為以知言者之非妄可依前件

黃好謙知潁州

勅某汝陰民庶而事繁河通而地勝前後擇守皆用名流圖謀具存風
迹未泯尔才術通敏長於治人出入勤勞久於郎省自求外服以養高年
亦何愛於一邦不以成其素志益勉於治以答異恩

霍唐昌知濠州

勅某士奮於布衣為列郡守有民有社可以言政尔積累勤瘁逮茲長人
濠雖小邦而民物之繁山川之勝苟治之有道亦足以觀循良之効矣

李清昌資政殿學士知河陽

勅朕惟先朝政事之昌與聞玉几之言嘗奉橋山之禮助我致治行將三
年出納方微日以詳練而乃飛章自乞誠意確然屢却不回執志莫奪止
足之懼踴躍而從具官其博學洽聞筆與直言之對高文密議中陪禁苑
之遊自登榮輶之司益著忠勤之効勅於機事力請近藩淮大昌貳國不

以中外爲心而朝廷任人常敷始終之分三城重地少假取勿祕號隆名
益旌舊德尚懷眷與之厚入告謀猷之嘉惠安小民推廣予意

林希湖州周之純宣州沈季長秀州

勅某等江浙之間山川民物之勝有唐摹省之士求守其地有不可得者
矣今茲士大夫重內而輕外胙之千里之社或缺然不滿其意此豈朕不
恤不忘遠之意哉以尔希、董與從官文學足用之純昔嘗奉使才幹有
聞季長久於滯淹風力不替朕惟吳郡宣城嘉禾三郡之富思得才者付
之吏民勉究乃心毋以内外爲高下之意民苟安汝朕不汝遺

陳遊古知沂州

勅某沂居齊魯之間周孔之風既遠民悍而喜寇法之所以待之者不與
它郡等朕甚憐之以尔老於從政知吏民之情往求所以安之非徒勝之
而已也

史宗範知涇州

勅某定雖非極邊而聚糧訓兵爲疆場之重所賴者多天下歷試諸郡
治辦之聲遠於朝廷是以召之江淮優佚之邦付之金華備禦之地勉修

厥政绥懷兵民而撫循將佐以稱予選任之意

韓維守本官資政殿學士知鄧州

勅朕承祖宗之丕業訪求黎老與共國事矧復裕陵藩邸之舊舊父兄世臣
之餘民望所依朕何敢後然而華髮在御有賢勞之嗟旅力旣愆以出守爲
樂進退之際禮義存焉具官某頃以耆舊又恆於燕閒召責近英賴其講
勸之助擢居黃闕付以議論之權任寄方深歲月未幾惟廊廟有日其之
務而方州存卧治之風眷南陽之大邦本故鄉之近地仍還舊職以示往
恩尚俾中外之臣知予終始之意思永終譽克綏厥心

胡田先以官范副使知誠州
改爲軍除爲知軍

勅某沅誠皆南邊新郡而誠之於沅地不能半官吏兵丁餽餉勞止比因
有可之請易以重璽之稱爾因領舊治以撫遠民均爲長吏毋以名號之
殊爲輕重之意

陳安石知襄州

勅襄陽古都會也山河雄勝居楚越之上游風俗剽悍兼雍洛之餘習在
戰國爲用武之地方平爲無事之國牧守之勝圖譖具在目官某起自

世族華髮一心試之平外清節可紀比者解印西土持節皆以坐席未溫
捧詔入觀眷荊州之重地方守臣之閼人匪為爾私將適民望勉圖安靖
之術思繼猶良之風

孫懷用知寧化軍郝逢知岢嵐軍

勅某等嵐谷固軍皆樓煩之故地民事雖簡而邊政為重守土之吏必慎
所付尔等咸以選任習於疆場之政惟恩與信可以附吾民而服隣國勉
思訓言無怠於事

王袞知兗州

勅某吏道以律令為師然讀其書誦其數而不知所以行之不足以興言
治也爾明習三尺出守列郡臨長吏民知弛張之方有循良之譽恩於親
養永請鄉邦朕不尔違以勸能吏祗服休命益勉無怠

蒲宗閔知興元府史宗範知廬州

勅某等漢中蜀之大都而合肥楚之奧壤守臣之選不在有司以尔宗閔
入治即曹出將使指以尔宗範歷踐藩屏宜於吏民因其戶試之効付以
共理之柄往祗厥服俾二郡之民被豈弟之政以助予治

林頴權知泉州

勅其彙廩之給官有常日尔奉使于外而取逾於法以致之言將何以率
厲群吏責之廉節乎宜罷所領修守方州祇服寬憲修省無怠

鄭佾知單州

勅某公卿之姪有列於朝不患不用而患不立尔名臣之後以詞藝自奮
入佐卿寺出典藩服由河內領單父恩亦厚矣毋忘乃祖勉思所以報者

孫之敏知雍丘楊瓌寶知咸平

勅某公卿之姪有列於朝不患不用而患不立尔名臣之後以詞藝自奮
入佐卿寺出典藩服由河內領單父恩亦厚矣毋忘乃祖勉思所以報者
可見以尔之敏家姪名臣才穎自著以尔瓌寶官學歷歲志節不回試
以鄉遂之民將觀政事之實在邦必達尔尚勉之

張宗古知婺州

勅某文答濱海有邊防之責士出守其地非選不授尔服勤南宮以積勞
而往勉自修飾無忝明命

高遵易改知全州

勅某黔南雖遠而任寄為重尔以親往憚於嶮艱改命清湘以安祿養孝

治之篤貞惟尔私

林積知福州

勅某長樂大蕃七閩之寇衣冠之盛甲于東南工商之饒利盡山海然以
地狹故民多不足俗巧故吏或不稱尔生於其鄉長習焉政歷試列郡服
勞諸卿今予命尔懷組而歸非獨觀榮於故鄉蓋將責實於來効

朱服權發遣泉州

勅某爾昔嘗備左右史矣出蒞京口于茲再蒼朕比以常法遷尔長樂而
有司言尔事親不謹為吏不職朕方以姻臨物不忍究也清源太府往為
假守內飭孝弟之行外循律令每晝夜不忘庶免來咎

林頤知濠州

勅某汝奉使閩越不聞令譽而臨財弗慎以致煩言朕因其悔過待以寬
憲而公議不置封章繼聞濠雖小邦有民與社服我恩貸勿忘省循

崔公度知潁州

勅某汝陰王沃民夥有魚稻之饒而訟訴之煩亦倍也郡守尋其人則湖
山之勝足以為樂苟非其人狃獄煩多日不遑給尔蚤以文詞備選更踐
吏事亦云久矣勉勤政事毋為頤俗所撓以稱朕命

黃鉤知賓州錢師孟知橫州

勅某等嶺南諸郡土曠民稀而密迩夷落以疆場之政為重故守上之吏
常選於右府以尔鉤仕至通籍而帥臣任以軍政以尔師孟雖為勇爵而
習於文法之治安城寧浦有民有兵其先為安靖以待外侮矢子所以命
尔之意

張琬知秀州

勅某有司進退多士必以資考為之銓次尔入官雖久而法當為才士往為之佐
嘉不出於異恩其克臨民以寬勿為苛亟馭吏以嚴勿為姑息思所以答
獎用之意

廖正古通判滄州

勅某景城負海帶河為一都會養兵備邊任兼將帥當得才士往為之佐
介昔為小官疾姦除惡以能名聞祗服寵命勉思所以答

李之純寶文閣直學士知成都府

勅蜀雖嶮遠而民習仁義易與為善難與為非一遇循良懷之沒齒少加

虐政病不自申昔張詠出守方兵革之後撫之以義民欣戴之趙抃志使
方泰侈之餘節之以禮民安樂之及其復來吏民驩呼唯恐其去得失之
幼昭然著明具官某性本靖深政實寬厚處東南苗役之際簡以易從當
西南征伐之衝安而弗擾遺澤猶在父老知之是以改重職於西清付遺
黎於右蜀勉因舊治追繼前人每使張趙之賢獨專巴漢之譽

徐彥孚澶州通判

勅某河徙而西則澶淵非復昔曰之舊然國門之北兵屯倉廩猶甲於它
郡大臣言尔可用往丞守事勉竭才力以安我股肱之名郡

鄭曄通判睢州

勅某仕官之優莫如鄉國知其吏民之態習其風俗之宜所至而安於治
爲易矧復桐廬之勝加以才力之優懷組而歸益勉無怠

王翬通判楊州

勅某爾故相之孫而名古之子也生於富貴而篤志於學勇於議論而
謀其身淮南大邦民病水旱往貳其事益試尔才

王佺通判荆南

勅某南郡控引江湖商賈之淵而盜賊之會也守貳之爭於南方爲虞尔
游宦之父才力有聞往贊其治益勉毋怠

韓玠通判河南

勅某尔家出公卿當識治軀而西南之政俾民驚擾連於朕聽往貳西都
服我恩命無怠循省

榮咨道通判鎮戎軍

勅某被邊之地政兼兵民武吏以奮其威文吏以治其政凡所以愛民備
敵之道至矣尔湏以博學多聞試於奉常出佐彊場勉勤職事益以觀尔

張士澄通判定州

勅某君子之仕不以高下易其心尔昔以才敏嘗奉使指茲予命尔佐中
中守往悉乃力益勉於事則予尔嘉

郭時亮通判海州

勅某朝廷之法無言不讎無德不報尔昔在定武首發姦謀而義不受
賞歲月久矣大臣猶以爲言東海名郡往貳守事益勉於政将以觀尔

陝西移四通判

永興以光移_{秦州}秦州_嘉之移_{永興}
延州崔全移_{渭州}渭州_{歐陽}之移_{延州}

勅某等朝廷推誠心以待天下之士而相宗法令之舊有不直逾茲緣親
嫌俾爾易地蓋秦雍延渭均號藩州而兵民政刑皆足爲治勉出爾力以
之右元帥母以東西易其意

周邠通判壽春

勅其鄭復爲郡興廢補敗爾與有勤焉壽春之富民庶而事叢既以旌
爾亦以觀從政之效

曾孝序通判莫州

勅某河決而西北方並塞之地頻年水災民難於食尔以才選往貳守事
其思所以均通有無疏導堙塞使吾邊民免於流徙之患則吾尔嘉
莫與爲養大臣來告惻焉疚懷以宗篤於孝弟服勤無斁雖從事汝南疑
於左遷而朝夕之奉實惟汝志

陳知晦蔡州簽判

吳師仁可越州司法充杭州教授尹才號州司戶曰述古襄
州司法蘇炳邠州司戶

勅某等古者幸逸民以懷天下朕以尔等皆以行義聞於鄉黨以命之
一言試之行事其勉於從政以效声問之美

燕若濟知東明縣

勅其古者大邑不使羣者制之矧維畿甸四方觀法於此大臣以尔才堪
治劇命以東昏耳目所接得失可考可无勉哉

宋彥國轉為殿崇班再知歸信容城縣臧定國轉西頭供奉

官再任縣尉

勅其等疆場之吏勇者或以致寇怯者易以納侮朕方欲慎守四境以綏
靖四夷求勇怯之中而有司以榮名聞各仍舊官以增新秩謹修邊政思稱
朕意可依前件

周純知虢州朱陽縣

勅某縣令雖輕職要而近民苟得其事或以濟虞謂為朝敵長施設方
略使積歲之盜一朝而卒平吾士大夫之富不愧於古而獨无其人乎聞
尔昔討廖因折馘執俘幾獲渠帥而以誣罔被譴功不時賞今商號之寇
未阻為霍往思古人皆建功名以效疇昔之勇

張溥知長垣縣

勑貢官其士欲得民而行志莫如為邑毀文言易聞禁不以爲莫如畿甸大臣言汝可辦是邑往慎所為毋忝知者可

類編頴濱先生大全文集卷第百三十

類編增廣頴濱先生大全文集卷第百三十一

西掖詔詞

遷轉許中正致仕薦因改朝議

敕某朕嗣服之初推恩海寓矧惟老耄之士蚤隆上定之風豈无寵嘉以慰鄉黨

王存磨勘改朝散郎

敕朝廷用人惟其才而考績必以歲月用人惟其才故政无不修考績必以歲月故官不失緒朕兼此二柄以御群臣故雖六事之長猶寓郎官之秩具官王存文雅足以飾吏事靖重足以鎮國俗恬於進退不為利回出入羣省人言无間司馬治兵朕旣已重其選矣有司奏課并欲以報其勞焉

李常叡延慶並轉朝議大夫

勅三考而議黜陟古今所同積日而叙勤勞貴賤无間矧夫內与六官之長外總連帥之權均大計之贏虛司鄰邦之動靜歷年應格稽法當迁有司以言朕何敢後具官李常叡由疎遠深自刻修財賦所存銅目具奉且官槩延慶名臣之後更始有餘千城四方安静不擾咸以守定之選而膺

朕朕之良雖尺寸以近未彰於異數而命秩之寵差慰於公矣

張輔之入內內侍省磨勘轉內殿承制

勅某昔文武之盛其侍御罔匪正人今余近習之臣与縉紳之士均遇以法亦无以私恩進者尔以久勞當迁往祇厥官使天下知叙法之公无内外之異

黃履磨勘改朝請郎

勅漢孝宣帝厲精為政三十石有治理效輒增秩賜金朕追想其風欲見之於事而况積勞之久於當遷者乎具官某須自禁林出為方伯推其所施於有政表賢獎善有古人之節考績應格吏以叙聞其益勤於裕民无使循吏之賞獨降於前

蔡卞磨勘轉朝奉郎

勅朕俾侍從之臣出守四方試之從政以觀其才而有司考課積勞應格固有成法非予所私具官某奮由文藝久踐臺員岱效才實之美自詫民社之政宣城古郡晉屠名臣臨長丘地者風績相望也尔其勤思古人以修條教服我新命以寵吏民

克勅仲聳並磨勘改正任防禦使

勅唐始以防團領四方之戎事中以刺史持節兼治兵民國朝無其舊章因其爵秩以錄親報功恩礼尤重以尔具官克勅力行孝弟著於閨門具官仲聳服勤詩礼信於朋友皆董司環衛兼領遙州積勞之久歲月旌格俾工使名之重益隆盤石之宗夫富弔能約者可以保家貴而知降者可以安職服是恩命思子訓言

仲聳等六人磨勘防禦使

勅朕於族屬之尊思極富貴之奉至其進秩之際必由考績之詳蓋所以示出爵之非私勉修身於在位典章之舊朕何敢忘具官仲聳力行孝恭閨門稱順直官仲聳服勤詩礼朋友攸嘉具官仲聳恭儉自將有縉紳之度具官仲聳修飭匪懈号宗黨之良具官仲聳信厚之深居有問望直官仲聳威儀之謹勤无過尤皆頤職遙州分董右衛既積勞於累歲宜正命於前官尚能以約保家以謙守位服此新命思我訓言

致仕馬充等以登極恩改承奉郎

勅其等不以耆年知止退安享樊碩子續服均需多士進升之慮憲顧

之往服異恩以介眉壽

曾肇磨勘改朝奉郎

勅士大夫有常秩者皆得以叙進至於近侍之列優以三歲之典非謂從官親近而特私之也進用賢才理有當尔具官某卒術精博遺詞甚工操履堅正遇事不苟比司國史煥乎筆削之華進領掖垣確然議論之正有司考績於藩宦稍陟崇階墻畫重要職勉服寵光之厚益思報稱之宜可

寇誦覃恩改朝請大夫

勅其朕纘嗣不業忠与士大夫祇奉遺訓同濟于艱難尔久服官政有勞于位登進爵秩非子尔私亦惟先聖之德澤不泯于下

蕃官折師武覃恩改西頭供奉官

勅其朕纘嗣不構推恩四海罔有内外咸進爵秩尔世在疆場有守圉勤服吾異恩勉事忠孝

梁燾轉朝奉大夫

勅因材任人國之大柄考績進秩吏之常法者麻選滯淹試于侍從而有司奏課以時上聞非朕敢私法固當尔县其卓以好善召寔吕渠中對一再議論雍容歲月之迂未足為寵大言大利將有疾焉

張崇古尚書省都事出職改朝奉大夫

勅其仕為大夫出守列郡士之力辛行義有白首而不能至者矣尔名在中臺勤勞積歲坐而致此朝廷之於三省厚矣蓋將自是為吏民長惟清與冀方能終荷斯寵

石景略可宣德郎

勅其朝廷因唐之故以六曹寺監綱紀百執事之治凡祖宗法令之舊合散出入有司不能知者是以分命近臣條折為書於茲歷年尔与有勞焉功雖未究而考應於格率自縣令寘之通階每郡邑之勞而被斯寵尔其勉之

游師雄改奉議郎陝西運判賜绯

勅其伐叛柔服朝廷之大義避實擊虛將帥之成筭尔出使西鄙灼知虜情能宣朝諭之詳以助元戎之決縛致首惡壞其密謀諸羌震驚邊吏氣遂以文吏之舊焉有干戈之功增秩易章未足為寵奉士人守舊益勤厥

成子欲戢兵固所望於尔者丘利乘隙豈可以爲常哉

張恂戶部員外郎改戶部郎中

勅其爾既出使近部入贊民曹其為屬任均矣然猶以資考之異別中外之名用人之慎国有常典益勉於事以觀成功

韓緒等

西賊攻圍鎮戎軍南川寨等處緒等戰守有勞或復傷中韓緒韓淳轉二官楊吉池評趙悅臧遜各轉一官

勅韓緒等夏戎背恩侵我疆場大至之群遍滿川谷諸將戮力清野以湏或斬馘酋豪折其凶氣或堅守壁壘保我永徒雖矢刀夷傷而忠節弥壯遂使醜類奪氣引兵遁還不償費无以復令其下論功行賞国有舊章疇其勞能增其爵秩朕旣无德不報尔尚勉於立功

蕃官黨令征覽哥趙令景覃因改官

勅其官朕嗣守不棄凡在臣庶罔有内外咸欲先之以因而後責其所報尔等守在蕃服驚忠勤朕不以遠故遺尔增秩賜呂與朝比勑恩自効以答恩寵

姚兒磨勘轉東上閭門使

勅其尔以勇氣聞於西陲奮身稠人致位通顯夫論功而賞雖如丘山不以爲重考績而迂差之毫釐有不能得固有常典朕弗敢私勉勤歷官以靖疆場

占城國進奉判官浦霞辛可保順郎將

勅其航海而至奉琛在廷心知礼義之榮身无遐迹之累特頒恩命昭示遠人

皇族 皇兄令羽磨勘轉遙園

勅其考績之法一以歲月爲勞而不以親疎爲異未能靖恭於位積日當迁以環衛之崇而加團結之寵益勉忠孝无溢无驕以保祿爵之重

士贛磨勘轉右監門衛大將軍

勅其凡子五宗之属皆有十年之叙勤勞非在庭之比而爵祿居庶姓之右所以示親也尔能孝恭內外无怨无患坐閱歲月以陟門衛苟知以進秩為懼日務克己則寵祿之至何止於是

令諫

該覃因持服終喪除右千牛備將軍

勅其朕嗣服之初博推審擇尔与陳壤莫退遺閭凶終喪而朝則命木文且陟環衛之列以彰宗黨之榮

仲汝轉正任防禦使

勅朝廷篤於九族之恩許以十載之叙使其賢者有所勸勉而怠者知上修飭祖宗之舊漢唐所无有司奉行敢有加損且官某幼知義訓長事礼仪无膏梁之譏有措紳之言久服勞於遠郡茲正命於使職其克自修以永終焉

謫降

成卓

西京左藏庫副使邕州左右江都巡檢差人至歸化州地當致懷智會乞割峒地與交趾降兩官監均州酒稅

勅其歸化近番与吾疆土相接不為邊吏而致其割地以附益遠夷不任其姦罪當誰執奪爵一等邦有常憲往祗厥官深貽寬宥

熊本降授朝散大夫

勅守器不假疆場之常道啓寵納侮亦夷之野心謀之不臧終必貽患寔官其昔以近侍出守桂林眷歸化之近番耆裔夷之小警不惟分土之素定輒興畧界之狂謀奉八縣之故封指三隘而為境苟幸一時之无事遂忘經世之遠圖咎既莫追罪不可赦奪官一等固有常刑思蓋往遂爾其自訟

馮景見任文思副使知父以因業獻安仁保佐內臣

勅其以敗得罪律既重矣觀其高下情尤不可赦也奪爵一等云霧循省以蓋其咎

叔諱先因殺人追官勒停已故今叙右千牛備將軍

勅其貴而犯法義不得宥過而知改恩不發叙往服恩命而知義之可畏庶免於咎

翰林醫官陳易簡等六人比舊各減三官臺復

勅其等醫如閩人皆志於仁不幸失之法不可廢而情則可恕奪官既久稍復其舊歸予至恩益勉无怠

龐希道復翰林醫李

勅其尗以鑿從仕始以不驗失官終以有勞獲叙功過相除固法之所許也既復尔舊益還乃術以答恩寵

致仕

楊叔儀少府少監守本官致仕

勅其陳力就列不能者止古之仕者以之而士大夫有不能者尔起於布衣進貳列卿而能因病告休敦止足之義因其舊秩歸耀鄉黨尚使子云知其矜式

優老

宋寶

深澤主薄威之父
一百歲除承務郎

勅某祖宗以來以仁率天下肆子良民皆得保其天年尔以行義之厚獨享期頤之福一鄉所重朝所尊礼歲時有束帛之寵巡守有就見之義宜加一命以成子孫祿養之美

王宗孟母

宗孟南京推官母年九十二封壽昌縣太君

勅某母其民年及耄期而家有壯子非有馴行不能致此福也寵之封邑不妄常典尚俾天下知貴老教孝之意

類編穎濱先生大全卷第百三十一

類編增廣穎濱先生全文集卷百三十二

西夜誥詞

太皇太后三代

曾祖瓊魏王

勅朕祇事東朝朝夕咨焉以從政乃者躬見上帝升侑神考克以眇躬率行盛禮思所以仰報於慈訓謂莫如追寵其先人太皇太后曾祖某早事章聖蔚爲名臣智勇冠時忠勤沒世決策澶淵之役卒底匈奴之和勳列鼎尋慶鍾任妙賦政帷幄澤被海隅家傳異姓之王誓堅帶厲恩加千里之國昭示子孫其尚有知服此休命

曾祖母李氏燕國

勅朕嗣守鴻圖初見上帝推衍天澤不冒海涯矧惟文母之家尊爲外戚之冠恩自近始寵無與倫太皇太后曾祖母某氏蘋藻之儀敬而不瀆珩璜之節動必以時作嬪大家肇錫餘慶宜新湯沐之奉以追窀穸之榮音微永存尚克嘉此

曾祖母李氏韓國

勅和熹之慶兆自高密外奮武功中篤淳行閨門之風比喩仁儒者維我聖母鍾慶列武積累之厚追配古人宜其室家並受光寵太皇太后曾祖母某氏夙被女訓有鵠巢之風能使君子成羔羊之行德配圖史福流子孫肆予熙事之成宜錫大邦之寵服我新命貴爾舊阡

祖繼隆楚王

勅朕惟祖宗功臣能父子相繼勳業不墮者惟曹氏高氏克顯於世而皆篤生聖女輔成二宗之內治今子神母實親庶政均覆內外是用寵其先人以慰慈心太皇太后祖某武力自奮家聲益茂出擁旄節入董環衛与漢辛氏武賢慶忌唐李氏西平大涼較長絜大固有懸德茲余大享于合宮恩與懿戚共享其福大邦名城尔實宜之肇封荆楚以福尔後

祖母康氏曾國

勅古之命婦貴從其夫維克有後則以其子矧子天下之母內極三世之尊可無追崇助我孝治太皇太后祖母某氏育德名族作嬪大邦象服之盛配德於山河形管之嚴比潔於圭璧比列荆河之壤追賚九泉徙封少昊之墟益彰異數遠之厚余何吝焉

祖母郭氏豫國

勅朕於舊勲之家無所不厚矧維坤德之重恩何以加內殫孝敬之深心庶矣慈仁之一喜比緣大賚思極追榮太皇太后祖母某氏保傳不勤宗族稱善姑章安其能養子慈法之不忘茲用推惠澤於總章易隆名於大國漏泉之慶尚克享之

祖母全氏秦國

勅朕篤於奉天禮極嚴父思其志意莫如念母之深寵其祖先尚有追封之興太皇太后祖母某氏婦德成於早歲母儀著於當年宜其室家施及宗黨鳴鳴懷均一之性蓋君見委蛇之客沒而不忘勿舊封於西土傳之冈極告新命於宗祧

父遵甫唐王

勅高密之仁其報在訓汾陽之功其報在暖雖其子孫不能專有其福是生聖女以母天下漢唐之盛曠无與倫太皇太后父遵甫魏王之孫而楚王之子也生而富貴動由禮義才甚高而不試德雖隱而自軌命之不融中道而須祚我神母實代天工厚德載於三朝貴名高於十旬二民爰勿每

以生靈而爲心克已復禮深恩外家之太盛臨御暮歲遂安四方和喜才
有餘而德不充懿安福至厚而功不著欲報之德不知所從茲予祀帝於
寧章大需庵恩於海寧追崇之典所不敢忘改封堯都增寵家廟

母曹氏吳國

勅朕以四海之富爲一宮之養猶朝夕歎然以爲未足推予此心以知聖
母追遠之念罔有窮已謂將成就其美莫如褒顯其先太皇太后母某氏
生於功臣之家綽有女士之德恭儉廉退孝友慈祥實生太任作合英祖
方其造舟以迎于渭教成而結其禡母育四方二紀于是君臨百辟暮年
有成推迹本源安可忘報改封南國以賚九泉庶乎有知服我新命

母李氏秦漢國

勅尊之而欲其貴愛之而欲其富聖人非私其親也情之所厚礼有必然
卷子外戚之小君蚤與唐國之内治恩寵之異中外莫先太皇太后母某氏
氏卒世簪裳生知法度鵠巢先愧於居有麟趾自致於多賢愛均七子之
人奉及中官之貴迨此臨軒之日方其授凡之辰化被族人貴震海內疏
封二國蓋近世之罕聞壽考百年均本朝之多福

皇太后三代

曾祖敏中申工

勅昔我皇祖光宅天下求賢以自輔一時公相皆世之豪傑子孫顯融歷
世不墜鴻生淑女作配皇極究觀本源盖非一日之積也皇太后曾祖某
光大篤實真漢相之風富貴壽考有天人之福畫象原廟銘功太常方
均慶於合宮宜易封分成國服我休命祚爾後昆

曾祖母梁氏魏國

勅朕親祀合宮仰以陟配昭考追文王之典俛以天齊臣工侈上帝之福
眷予母族之重實若厥里之崇豈無異思以廣慈念皇太后曾祖母某氏
靜而守禮存江漢之風動父有儀僕山河之象德洽宗黨慶流子孫疏
封有唐于今歷歲肇新畢方之國以寵向氏之祧

曾祖母張氏魚日國

勅昔向氏之祖位列承輔世方平寧在位正直有羔羊之風退食委蛇本
鵠巢之致積是懿德逮其曾孫嫡子有虞遂母天下寵光所被中外莫加
皇太后曾祖丹某氏躬服孝慈勤由禮義其歸以百兩之衆其貴有六加

之儀壽雖止於中身慶實鍾於來裔推享享帝之賚錫以保魯之封尚克有知服此休命

曾祖母宋氏楚國

勅朕躬享昊天升侑神考外推嚴父之教內懷將母之誠厚撫其家追王厥祖下迨閨憲之懿咸加封爵之崇躬孝帥民朕无所愧皇天后祖母某代嚴於正蒙動必由礼采蘩以共公侯之事親桑以致袞冕之華藹然令猷克光來葉肇封於荆楚告休命於烝嘗尚克有知膺此異數

曾祖母王氏陳國

勅朕尊尊以教敬親親以教愛非予戚里之舊孰能兼受斯礼皇太后曾祖母某氏毓德柔嘉執礼嚴靖服膺保傳之教究知臣妾之勤內无怨言家有餘慶循致坤元之福遂正母儀之尊方些祀於總章既大賚於寰海易尔句踐之國錫以太昊之墟恩寵有加永世无墜

祖傳亮榮王

勅爵爲上公周制也王以異姓漢法也朕兼采周漢之舊以寵親賢之家因大享之告成錫品不恩而追遠皇太后祖其故相之子生而顯榮大原儒祖母吳氏越國

勅申王諸子皆列貴仕榮國不耀中止郎官替德之深其報在後爻孫而顯母儀天下德澤流行室家光榮皇天后祖母某氏珪璋之行著於族人蘋藻之恭宜于祖考貴始封邑恩錫有邦茲因總章之祀推廣隆祐之孝烈會稽之奧壤增湯沐之舊封尚克有知服我休命

父經周王

勅申伯之德不於周召之間褚公之賢載於王謝之列恩非專於戚里名自顯於縉紳今予外家庶矣前烈皇太后父某絶出世胄交友儒林休声藹然多福自至卧淮陽之近輔表東海之雄藩清淨不煩得承流之要忠悃深至有入告之常壽止中身慶在隆祐慈因嚴父之際起予念母之心大啓周南之封以慰宮中之孝國有常典匪予所私

母李氏豫國

勅光皇帝刑于室家以御于天下非獨外有輔佐而中宮之懿實與有勞

煥乎四德之充豈惟一母之積皇太后母某氏數閼史伏勞組紩肅雍
妣姒之間祗敬姑章之奉誕生淑女之淵穆不及君子之榮華初建長秋
閨追榮之已遠繼開隆石知餘慶之方遐乃者熙事告成匪恩廣被肇錫
荆河之國以新脂澤之由賁于九原嘉此休命

母張氏異國

勅朕聞後庭以德進則外戚以福終周之任姒既克保其國而漢之薄寶
亦能全其家至哉坤元實相內治宜尔外家之慶仰同帝室之休皇太后
母某氏性稟淑均德推靖慎因豫國治家之遺迹迨慈徽毓德於妙年命之
不融乃止中壽比緣癸祀啓湯沐於堯都錫以命書貴永嘗於家廟漏泉
之澤卉卉不忘

皇伯世儔贈奉國軍節度觀察留後追封奉化郡公

勅唐之藩郡以留後爲重周之列國以諸公爲貴國朝兼用古制外以待
將帥之功內以優宗室之懿非此二者未嘗授焉具官其貴而能降富而
不盈孝弟之美著於親黨儼恪之容見於朝會沒身不試遺範不忘寵加
兩使之貳優以五等之貴免而有知嘉此休命

越國賢惠長公主追封大長公主

勅王姬之貴而能執婦道以成蕭雍之美朕嘗聞召南棠棣之詩矣永惟
皇祖之慶篤生淑女之賢賦命不融中道而沒哀榮之典茲何敢忘故越
國賢惠長公主龍寵宮庭生知禮義儀降皇后有車服之崇德配君子稱
室家之懿逮茲尊帝之澤推余尊祖之誠大長之稱寵榮斯極追錫成命
以貴九泉

世子贈安武軍留後追封信都郡公

勅留後之權均於元帥郡公之爵貴於諸侯國朝兼采周唐之舊官以爲
親賢之異數植後追遠斯極哀榮具官某生於富貴之中綽有縉紳之度
行己以礼好善不衰朕篤於合族之仁嘉尔終身之善錫之好爵胙以大
邦仰增族黨之華俯為垂空之耀

唐悅

蓬溪薄於瀘州隨軍部夫入界寧死贈梓州錄參

勅具官某乃者師征瀘戎爾与在行瘴癘為虛往而不返朝廷追錄勤勞不
遺細大特加督郵之贈以易聘布之礼孝子之請予何忍違

克賢贈奉國軍兩使留後封奉化郡公

勑生於富貴而成於禮義克自抑畏以沒其身不有寵榮何以爲勸具官某宗黨稱孝朝廷所賢肅雍右衛之革悍禦遙州之重賦命不敝中道云亡匍匐之因情何極已衣榮之典固有故常

士覲贈左領軍衛將軍

勑具官其宗室之良生而不試沒而无述則爲善者何勑焉尔以孝弟忠信紀於族黨贈之諸衛之秩以表平生之賢冕而有知嘉此休命

安盡三代妻

曾祖

勑朕方恭默思道垂拱責成乃者大享合宮陟配聖考躬執珪幣敬通神休奉璋峩峩皆先朝之舊降福簡々告純嘏之豐朕弗敢專用廣其施具官其曾祖某懷抱美志淳沉人間孝悌篤於父兄忠信驗於朋友天道不詔報在子孫人爵自下龍極師保朕命不替世々賴之

曾祖母

勑朕嚴父配天以教天下之孝肆眚及物以廣上帝之仁頤予左右永弼之良咸有肅雋顯相之助既寵榮其祖祢復追賚其室家吳官其曾祖母某氏蘋藻之儀勤而不瀆珩璜之節動必以時休聲藹然後母追誦宜錫召公之社以寵安民之祧尚克有知服我休命

祖

勑天之於人無德不報凡今卿士大夫有立於朝尊寵於世者皆其先人積累之厚茲朕旣奉神考以配上帝尊親之極誠禮兼尽恩與群公推廣斯義以致其孝具官其祖某才甚長而不試德久晦而自彰身雖屈於當年善終表於來世三師極品焜耀縉紳之間九原有知寵歿存沒之地

祖母李氏

勑古之命婦貴從其夫惟克有後乃以其子矧予本兵之地實微少事之煩乃者大享合宮相予肆祀義无不答禮有追崇具官其祖母李氏性本柔嘉行稱純潔婦德成於雍穆母儀備於慈仁胙以少昊之墟易其叔鐸之土服我休命宜爾後人

祖母齊氏

勑古之命婦貴從其夫惟克有後乃以其子矧予本兵之地實微少事之煩乃者大享合宮相予肆祀義无不答禮有追崇具官其祖母齊氏恭順

以惠安師慈儉以奉君子閨門從而有孔子孫賴以多賢上蔡之封歷年
於是大名之壤開國惟新寵以家章貴尔家廟

父

勑士之修身行義不顯於國必顯於鄉黨故其乘時得志不在其身必在其子孫謂天難忱於事可考具官某某於潛晦不求聞知惟良心以与人抱長才而不試安輿就養遍歷於方州西府宴閑荐移於歲月錫之好爵以裕子心服我寵章益介眉壽

母張氏

勑士大夫義隆於顯親恩深於念母追劬勞之罔極掉寵祿之死殆茲予
祭祀於德章大需庇因於海縣思廣吾孝以即爾心具官某母張氏靖印
有礼勤於治家空傳四德之名不待千鍾之養寵加異數以慰終天爵死
異於生榮地莫加於韓渠服我休命子孫不忘

母王氏

勑朕惟左右之臣家有父母之養自公退食朝之侍側以尽人子之願者
方今一人而已總章之慶恩被遐遠封爵之厚余何愛焉具官某母王氏
居不忘敬行必由礼手治頤藻躬執組紳老而不衰足以爲法宜錫三秦
之壤以爲一族之華壽考且寧祇服朕命

妻

勑朕初見上帝嚴配文考公卿駿奔來相熙事工祝致告均錫純休朕不
敢專思以迨下非獨身享其報亦使家被其榮具官某妻某氏少長名家
輔佐吉士烝嘗之敬先祖是安膳服之宜宗族咸喜仁厚見於麟趾正直
發於羔羊宜增湯沐之封益耀笄珈之寵服我新命宜尔家人

類編增廣續濱先生大全文集卷第百三十三

西掖詔詞

李清臣三代妻

曾祖

勅朕方恭默思道垂拱責成乃者大享合宮陞配聖考躬執珪敬啟逆神
休奉璋峩峩皆先朝之舊降福簡簡告純嘏之豐朕弗敢專用廣其施具
官其曾祖某迹晦鄉黨德如珪璋力行於方寸之間責報於百年之後子
孫之盛縉紳罕聞保傳之尊德義為允服我休命宜尔後昆比

曾祖母尹氏

勅朕嚴父配天以教天下之孝肆眚及物以廣上帝之仁顧予左右永弼
之良咸有肅雖顯相之助旣寵榮其祖彌復追眷其室家且官其曾祖母
其氏及其良人咸有淳行孝敬稱於宗族福祿迨其子孫策名俊科與我
近輔肇啓眉禽之邑以為家廟之華其尚有知服寵無斂

曾祖母周氏

勅朕嚴父配天以教天下之孝肆眚及物以廣上帝之仁顧予左右永弼

之良咸有肅雋顯相之助既寵榮其祖祢復追賚其室家且官其曾祖母某氏珪璋之行著于族人蘋藻之恭竭于嘗禘貴始封邑因錫有邦肇從申伯之封改食潞子之國服我休命以貢宗祧

祖

勅天之於人無德不報凡今卿士大夫有立於朝尊寵於世者皆其先人積累之厚茲朕旣奉神考以配上帝尊親之極誠礼兼盡思與群公推廣斯義以致其孝具官某祖某修身正家而聲被於卿黨居約履順而福流於子孫世有英才與聞大政寵列三師之貴祚隆十世之餘錫之閨章以

賁幽隧

祖母

勅古之命婦貴從其夫惟克有後乃以其子矧余中臺之轄實綱方幾之頃乃者大享合宮相子肆祀義無不呑禮有追崇具官某祖母某氏服勞組紺敦閱圖史祇敬姑章之奉肅雍姊姒之歡中饋之儀風猷未替東國之贈寵數有加賜之密章賁爾廟祐

父

勅士之終身行義不顯於國必顯於鄉黨故其乘時得志不在其身必在其子孫謂天難忱於事可攷具官某父某隱而不試父則自彰孝弟隆於父兄忠信驗於朋友是亦為政人無間言由其教子之嚴為我得臣之助比推恩於秋草增峻秩於師垣追賁九原尚克嘉此

母

勅士大夫義隆於顯親恩深於念毋追劬勞之罔極悼寵祿之無施茲予
妣於祀繼章大需庵因於海縣思廣吾孝以慰尔心具官某母某氏山河之
容江漢其行夙被女訓有鵠巢之風能使君子成羔羊之德宜即鄉邦之
奧壤以為封國之美名服我寵章祚爾後嗣

妻

勅朕登用雋傑委任責成非獨厚以爵秩之華亦將盡其室家之願乃者躬祀帝考大賚臣工封國迨於閨闥世祿通於子弟朕於卿士實無愛焉具官某妻某氏生於名儒之家綽有女士之德愛均諸子比鴈鳩之仁貴以良人備翬翟之服肇錫山河之廣寵增湯沐之封宜其家人服我休命

范純仁三代

曾祖

勅朕方恭默思道垂拱責成乃者大享合宮陟配聖考躬執珪幣敬述神
休奉璋峩峩皆先朝之舊降福簡簡告純嘏之豐朕弗敢專用廣其施具
官某曾祖某潛德不耀餘慶日彰仁義之報不及其身功名之實灼見於
後極三師之貴既錫於寵名愈九原之知肇建於成國

曾祖母

勅朕嚴父配天以教天下之孝肆眚及物以廣上帝之仁顧子左右承弼
之良咸有肅雖顯相之助既寵榮其祖彌復追賚其室家具官某曾祖母
某氏幽閑之中率礼不越兵儉之素御家有常報存子孫世篤功列肇錫
韓侯之邑以為家廟之華其尚有知服寵無斁

祖

天之於人無德不報凡今鄉士大夫有立於朝尊寵於世者皆其先人積累
之厚茲朕旣奉神考以配上帝尊親之極誠禮兼盡欲群公推廣斯
以致其考且官某祖某種德之深稼而不穡發源之遠流則前長偉哉尤
子之賢繼以諸孫之盛廟食之父蓋未可量鄉國之封肇新其舊

祖

勅古之命婦貴從其夫惟克有後乃以其子矧余本兵之要實總戎事之
煩乃者大享合宮相子肆祀義無不答礼有追崇具官某祖母某氏微柔
靖恭信順慈孝天道不諂報在後昆人爵自高祚以封國易宛丘之故池
錫全楚之大邦尚克有知服我新命

祖母

勅古之命婦貴從其夫惟克有後乃以其子矧余本兵之要實總戎事之
煩乃者大享合宮相子肆祀義無不答礼有追崇具官某祖母某氏微柔
組紝敬治蘋藻祗率祖考之舊循致子孫之賢中饋之儀風猷未替西國
之贈寵數有加賜之密章以嚴廟祀

父

勅昔我皇祖仁宗博求多士以綏四方天惟眷祐資之正人既以克和羨
戎又以廢治區夏出入中外實兼文武之列令子嗣守不榮選任大吏亦
拔西帥以臨中樞匪伊異人惟父惟子得人之盛朕無愧焉具官某父某
秉德不貳好謀而成始任諫諍知無不言中為將帥靖而能勇卒以功業

股肱先聖茲子懷相風列用建尔仲子嘉其繙衣之德錫以召祖之命惟
師保之責既無以加故河漳之封益大其寵

母

勅士大夫義隆於顯親恩深於念母追劬勞之罔極悼寵祿之無施茲子
毖祀於總章大霤虎恩於海縣思廣吾孝以慰尔心具官其母某氏山河
之客江漢其行其君子正直有羔羊之德其後世信厚有麟趾之風宜錫
寵榮以慰存沒乃祖唐相寶啓衛國之封眷子樞臣願為審章之贈貴子
幽壤尚克嘉之

中丞劉摯父

勅朕臨昭百官晉耳目於中執法乃者委秋大享駿奔在廷迄于熙事之
成繫其正色之助方均行於惠澤宜特先於庶工具官某父某種德之深
終身不顯教忠之篤沒世乃彰挺然司直之良美哉有子之慶不有錫命
孰知其賢宜加四品之崇以爲九原之慰

苗貴妃三代

曾祖

勅昔我仁祖刑于室家以御于邦國下迨嬪御化其德風風不匱也迄茲
三世猶有耆舊儀于六宮故其祖考曰益尊顯貴妃苗氏曾祖祚潛德不
耀父而後彰至于曾孫龍託營掖茲因太尊祇率舊章命為上公封以成
國九原有知尚克嘉此

曾祖母

勅天之報施昭然不誣世之顯榮皆有由始而况迨事皇祖流澤私親夫
豈偶然而至於是貴妃苗氏曾祖母馮氏柔嘉之德見紀於族人慈儉之
風有聞於後世乃眷曾孫之貴親承大享之休易湯沐之舊封為寧安之
新寵服我成命廿世不忘

祖

勅朕嗣守鴻圖初見上帝推行天澤不冒海隅矧惟先朝舊人外家通貴
恩自近始宜無與先貴妃苗氏祖仁恭隱約之中操修以禮被寵光於來
裔知報施之不誣官為上公已極人臣之貴地分全楚復推列國之雄錫
是閭章以資幽壤

祖母

勅朝廷寵綏臣庶褒顯其先惟有四輔之崇方錫三世之命其於禁掖殆無戎人貴妃苗氏祖母袁氏容德之修著於宗黨福祿之盛及其子孫方三世事之終祚以成國之賦資尔朝祀世世保之

父

勅於赫皇祖仁覆四方永懷弓劍之遙不忘簪履之舊弗况逮事左右今為老成宜其尊親特被休寵貴妃苗氏父某躬有懿行篤生淑人既壽且康允仁而信荐經元祀之慶每極追崇之榮肇錫大名以配隆爵鑾章之賜澤及九泉

母

勅故舊不遺則民不偷矧吾三朝之人獨享百年之福眷尔近戚予何可忘貴妃苗氏母裴氏徵柔清恭幽閨肅敬行應家人之美慶鍾女子之祥慈子大享之成肇易新邦之寵漏泉之澤存沒兼榮

文臣升朝封父母妻

父

勅具官某父某朕比之祀綱章陟配神考子大夫奔走厥服咸與若勞推

子嚴父之心為爾顯親之慶錫命之寵壽老不忘

母

勅具官某母某氏茲惠有以宜家肅敬可以教子乃者大享之礼百執咸事朕寵綏忠孝之心推本源流之自疏尔爵邑以榮子孫

勅具官某妻某氏士大夫出仕于朝能以恭儉正直成羔羊之美必有淑女以治其私用能退食委婉無勞顧之慮朕方推帝澤於天下其何愛一邑不以寵其家人

文臣升朝追封父母妻

父

勅具官某父某合宮之宜義存嚴父朕推天下之士追養之誠上下無間是用推予錫命之寵旌尔教忠之勤九原有知尚服休命

母

勅具官某母某氏生能正家沒有良子欲盡劬勞之報莫如爵命之隆方大賚於總章宜肇新其湯沐服我休命世不可忘

妻

勅具官某妻某氏恭事君子宜其家人勤勞則同而寵榮莫及存沒之念終不測焉方予慶賜之行肇加脂澤之奉貴子奄究尚克嘉之

范鎮父

勅士有歷士三世秉持一心志懷金石之堅言為社稷之計耄期不亂清淨無求訪之古人殆亦無幾朕既復命以位思見英人族觀德華之崇知若源流之自其官某父某隱居閭巷名出縉紳以孝弟為傳家之資以詩書為教子之寶自修於方寸之內責報於百年之間子孫勃興冠冕相繼方予大享之慶錫以追崇之榮開府之儀比隆於三事漏泉之澤少慰於終天

鮮于侁父

勅朕既得直諒多聞之士而實之礼樂之司擢之諫諍之列乃者總章太享來相干于廷因子嚴父之心成尔顯親之願具官某父某懷抱美志博通古文上自河圖洛書下及天文地理無有不綜庶幾古人卷懷而歸以遺後嗣金章紫綬雖不及其平生蜜印閔書示追榮於泉壤

母

勅婦人之賢至家所賴上能使其君子有羔羊正直之行下能致其後世有麟趾信厚之風詩人所嘉於今猶信朕既得其子以知其親具官某母趙氏江漢之行山河其容爭執詩書親教子弟雖召采而養自有孝弟之歡而列鼎以祠莫盡劬勞之報宜易胎田之奉仍加褕翟之榮追賁九原以慰存沒

陳曼父閨

曼任登州錄事公聞年
九十一以勅承務郎

勅具官某父總章之慶凡通籍之士皆獲爵命其親朕准子大夫沉於下僚家有耄期之養而寵榮不及念之惻焉錫尔一命以綏子孫之志

錢勰父母

父

勅錢氏舉國內附俾吳越之人免兵革之亂子孫受封帶河礪山藏在鑿府矧其後世賢傑間出赫奕相望具於追崇安可復後具官某父某晝晝增更練達典章博辨有文絕出倫輩父子兄弟進以直言譽喧一時望以卿相中道而隕報在後昆儀伏侍從之華與我總章之祀寵之開府載是閔書九原有知服命無斁

母

私婦入之責當從其夫禮。夏古今義均存沒肆予大享之慶。俾極追封之榮。具官其母某氏。育德高門作賓。大族生知圖史之榮。不煩保傳之徵。仰慶在其子孫。清風播於宗黨。致成國光。有翟衣錫此密章。寵爾廟祏。

類編頴濱先生大全文集卷一百三十三

類編增廣頴濱先生大全文集卷一百三十四

西掖誥詞

李璋三代

曾祖

勑昔我仁祖敦睦九族以和万邦。頤惟念母之深。特厚外家之礼。往事雖遠。此恩未移。具官李璋曾祖。其懷抱美志。浮沉人間。孝弟篤於父兄。忠信驗於朋友。天道不諂。報在子孫。爵自高寵。極師保肆予大享之慶。肇易三秦之封。九泉有知。服我休命。

勑成王之母邑姜。齊侯世受其祉。宣王之母申后。申伯亦賴其寵矧我皇祖之聖重。以李氏之賢。子孫相承。冠冕日盛。追崇之典。國有舊章。且官李璋。祖其隱約之中。操修以礼。克有淑女。篤生聖人。寵雖不逮於平生。澤尚可嘉於來裔。比因秋草。肇易國封。錫是閔書。以寵廟祀。

父

勑朕深惟仁祖之意。寵綏元舅之家。申錫昏姻以固恩礼。乃眷奠邦之嗣。

來相合宮之祠熙事告成鴻恩先及其官李偉父其貴而能降富而不驕
諸子之賢迭為將帥大邦之寵更王齊秦肇新錫命之書以慰終天之感

王堅父

勅朕惟景德祥符之間治定功成庶幾三代時維丞相魏公左右敬辟同
底于道於穆清廟卒配永享至於慶歷嘉祐之際克有賢子不墜厥家出
入中外允文允武茲子季秋大享追念先正之後有能在朝相我熙事宜
有褒寵以勸百官具官某父其始以諫詳名聞朝廷終以將帥威加戎狄
父錫之慶子成厥功效雖富貴顯融赫奕再世而天下之議不以為過生
爲六官之長沒加三事之榮匪子尔私惟德之報

曾布父

勅曾氏系出東魯淵源師友本於孔氏譜牒詳具雖遠而明子孫盛大繼
顯於世具官某父某文學之美肖其先人論議之長信於來世仕而不遇
志存於書沒而愈彰慶鍾厥子屬詞比事粲然有古人之風理財禦邊卓
然有當世之具才智競奕爵秩同升其於縉紳殆無一二朕既任以事思
寵其先今茲大享告成顯親沛澤追錫崇階之贈以慰先原之知

蔡確父

勅江極三師而爵封大國雖元勲盛德有不能至者矣而將相大臣必
顯其親者得之吾是以知積善之為難而有子之為貴也具官某父某潛
於下僚不求聞達躬有懿行久乃發揚美哉中子之賢任予元宰之事久
厭機務退守便藩深念教忠之勞求易首茅之賜大名奧壤雖為甸服之
雄全楚新邦願即故鄉之近九原未泯尚克嘉之

母

勅貴以其子而爵從其夫此婦人之礼也時予舊相之寵告我念母之誠
亦何愛於大邦不以成其純孝具官某母氏仁以逮下嚴於治家礼先中
饋之勤恩遍外姻之廣命之不淑沒有餘哀肇易脂田之封永保荆人之
國寵示廟室以利後人

秦晉國安仁保佑夫人張氏

祖

勅且官其祖某朕追懷弓劖之遙不遺簪履之舊矧功存於保護而寵極
於平生宜因大享之恩成其尊祖之念寵加列衛追賚九泉

祖母

勅具官某祖母某氏朕祗祀合宮嚴配聖考思其志意悅焉如存是以推
薦舊恩施及幽遠肇易脂田之奉以申追遠之誠

父

勅具官某父某朕孝愛之深無德不報永惟保育之舊夙著劬勞之恩方
大享之告成宜顯親之施及諸衛之貴存沒兼榮

母

勅具官某母某氏爾蚤以息女之良功存蕃邸之養報已隆於貴顯恩宜
逮於存亡肇新湯沐之封以爲幽冥之慰

世采母李氏安康郡太君世智母何氏永昌郡太君

勅嚴父配天國之大禮也以子貴母三代之舊章也茲予大賚之慶澤被
含生之倫矧於近親志切追遠錫命之典其荷可忘具官某母某氏承上
克恭臨下以礼生著御家之法沒聞有子之賢賜湯沐於大邦爲竊空之
餘寵九泉未泯尚克嘉之

李端原父

母

勅富而好禮貴而不驕勢馮戚里之榮躬彼儒者之節昔聞其語未見其
人具官某父某爵本傳家親聯築館進退以礼無世祿之非交友多賢士
當時之傑被遇前聖流芳後來有子而賢又列東宮之貴開府以贈仍因
西土之封錫是閔章實爾幽隱

勅帝乙歸妹而交泰之功著王姬之車而肅雍之礼成風化所由因礼當
異具官某母某氏淵源之盛尚壯莫倫礼義之隆至今傳誦儼若姑晉之
奉穆然閨蓋之風車服下於王后而不以驕人子孫衆如螽斯而要於守
法故能奕世不墜休聲愈隆茲予大享之成因爾故封之廣閔書密即寵
數不渝

張方平祖

勅朝廷優二府之臣列三世之贈眷我耆舊退處閭方大享之告成宜
申錫於休命賁及祖廟進封大邦具官某祖某修身正家而聲被於宗黨
居約履順而福流於子孫力行於方寸之間得報於百年之後朝之大老
惟尔元孫肇新浜奥之封增寵師臣之貴告享幽隱服此優恩

父

勅士之懷抱志節老於山林不求聞知者何可勝數永惟公卿之貴本由父祖之賢行義絕倫聲聞不著特緣有子得列於朝追想風猷不忘嘉歎具官某父某性本靜重行極高明宴坐一室之間心遊万物之表澹然自守寡笑與言遂以絕人之姿深積傳家之慶柱石之寄嘗參三府之崇几杖之儀又已十年之久比緣昭配許以侍祠宜因均福之恩懋錫追崇之典地分全魏爵列上公九原有知服我休命

富紹庭母

勅朕追懷先正之臣建功當年流澤後世時惟丞相臨淄公以甘盤之舊股肱太平永相韓公以魏丙之賢翼亮數世風流未遠家事落族比因大享之成重興追遠之念具官某母某氏臨淄公之子而韓公之配也幼服圖史之訓晚同忠義之勤有德有年五福兼備奄從淪謝中外咨嗟茲用不忘舊勳寵加新命因其封國之故以明有子之良貴爾宗祧世無數

蔡蒙父挺贈開府儀同三司

勅昔我皇考分命守將鎮撫西夷時惟西羌弟克靖順實賴良帥是震長

服遂以顯績進登西樞命之不融中道而殉聲蹟之美于今不忘具官某父某謀猷靖深勳業崇茂治邊之略紀于一時經遠之功著于來世比緣陟配之享永懷先正之良追錫崇階比儀三事有子之慶奕世嘉之

劉敏母

勅婦人之賢著於麟趾贈禮之盛極於翬衣既親享合宮加惠百辟矧復從官之列來告念母之誠可無異恩以示追遠具官某母某氏篤生大族作配名儒環珮之聲動必由禮蘋蘩之薦舉不失時追懷令猷尚有諸子守道不倚則漢中壘尉博學不倦則唐居巢侯羨哉有子之良爲我得臣之助祚之大郡慰尔九原

奉議郎任斯年祖母黃氏

授永壽君

勅朕既親享合宮均慶多士以寵榮其親推而上之又及其祖其於親親尊祖之義備矣美名大邑介尔眉壽子孫不忘益勉忠孝

張琬父昇追封韓公

勅朕追懷祖宗逮先正聞嘉祐治平之盛宗臣大老相望於朝永思其人如見風采具官某父某始以直氣振於中司終以令德長於西府歷事

二祖懇款一節歸老嵩少追述松喬殂謝未幾風烈猶在比緣合宮之祀
嘉其有子之慶即封鄉國以資私祧九原有知服此休命

安壽知樞密院贈三代

曾祖

勑樞臣之長戎政出焉內則漲皇六師以禦外侮外則綏懷四夷以安
中國久虛之位歷試以庸特推三世之恩以示百官之勸具官安壽曾祖
某貞躬其厚與世無求人莫能知而天相其善身隱不仕而世承其休逮
爾曾孫之良冠予西府之列折衝之効偃革可期斯用錫帝傳之隆名實
私祧之常祀九原未泯百世不忘

祖

勑古之賢君有師臣之義朕臨御百辟想見其人眷予宥密之賢夙承祖考之
烈積德之厚獲報甚隆寵之上公以見予意具官其祖某賦性端憇終身
退叢孝弟發於自然忠信驗於來世松生於谷閼歲不衰泉發於山造平
而大啓良心於嗣子祚多福於元孫歸乎家廟之隆數致闔書之賜貴于

幽隧慕後凡

父

勑子之能仕父教之忠率循孝弟之風施及邦家之廣朕既用其卒不忘
其親荐錫崇階之榮以寵退食之養具官其父某資性淳篤既貞靖以交
貧操行堅強亦共儉以居富一变簪裳之盛親見廊廟之崇循致承平既
股肱之允賴報之寵祿宜命數之超升壽考且寧訓敕無迨

王汝舟祖母胡氏封嘉興縣太君

汝舟乞以妻
淑封回受

勑某舍官之慶士得以其親及其室家之封封其大父母今汝舟願以妻
之叙而加其祖母恩從其厚將以極尊祖貴老之義而已綏爾眉壽服寵
尤歎

皇兄令擢等所生母贈縣太君

勑某母某氏舍官之慶澤被有殊尔篤生令人當以子貴肇錫湯沐之奉
以慰休惕之感堯而有知嘉此休命

富弼贈太師

勑慶曆之盛朝多偉人維范與富才業名位實祖先後海內稱誦見於序
詩比之憂契經涉險阻繼以存亡惟天所祐克享全福歷相三世配食清

廟肆余大享加寵先正亦克有子列于在廷具官某父某德及夷夏功載史冊出明德華夷復結二國之歡入秉陶鈞首開方世之議性本直諒終身不回心樂虛閑超世自得音容未遠風烈可追錫以上公之章明我師臣之意告于幽隧慰爾後昆

劉沆追封秦國公

勑生而秉鈞顯名於世沒而有子通籍于朝家存舊德之餘國有世臣之盛比緣大享之慶來告顯親之誠動舊旣降恩寵亦異其官某父某奮身南國致位中台風蹟之優効見於民政勤勞之久聲載於圖書頃自告終奄更三世爵極師保之重國分吳會之雄宜錫祉於秦亭示追崇於國廟九原未泯服此鴻恩

盧政贈司空

勑祖宗懷柔四方兵革不試雖有貔虎之士擁旄鉞之寄皆老死侍衛之間不見才武之効然其聲績未泯子孫在廷追遠之恩國有常典具官某父某弓劍之任惟雄万夫韜略之賢著稱當世卒能保寵以沒其身功大享於宮示追崇於列辟宜錫冬官之印以增家廟之榮竟而有知服

无數

王存妻胡氏齊安郡夫人

勅朕敷求哲人咨以大政知其有孝恭祖考之義則爵其三世以礼其私祧知其有慈愛室家之心則封之大郡以助其内治凡所以深慰其情而優為之礼者亦已至矣具官某妻某氏奉無失中言必由礼起於糟糠而善處窮約逮其富貴而不聞驕奢茲使君子綽有成德遂登丞轄之位率由夙夜之佐是用望郡以爲湯沐翟茀以与會朝勉修令猷若此休命

楊王第三女封安定郡主

勅朕有懷二宗思見文武之盛念我叔父亦配閭閈之賢與惟礼命之優蓋有朝廷之舊女既笄而字爵當裂土而封恩礼之隆孝敬斯在楊王第三女幼而好礼母教不煩長而知方婦德已備恐擇良士亦惟外親將修纏鴈之儀肇錫湯沐之奉惟恭且儉可以保是美名惟孝與和可以安於二姓風化之首其尚勉之

大行太皇太后謚冊文

維元祐某年歲次甲子某月甲子朔某日甲子孝孫嗣皇帝臣謹拜

稽首言曰臣聞聖人之興默契天運昔真宗仁祖之際章獻臨御歲用一紀實能協和神人以綏靖國家逮我聖考蚤厭万國惟末小子未堪多難則亦聖祖母躬受其艱始終九年臣民以寧社稷以固欲報之德未獲其所惟周人以諱事神以謚易名明詔聖德以示後嗣庶幾不忘卅以爲憲恭惟大行太皇后實天生德作合皇祖無私如天博愛如地內自宮省之祕外薄華戎之廣不冒德澤以生以成昔在景德北戎弗若時則烈武參定大計師次澶淵克遂有功南北底定垂九十年民復養生送死功書鼎彝澤加于後及我仁祖將援宣孝以奠天位亦惟茲聖寶以從母先識潛德宜于室家施及朝廷元豐之末天地震裂疾方弥留群公卿七拱手相視罔知所措而大策中定與天爲謀肆時冲人寶主神器惟幄既施號令時叙稽于衆庶庸一二老政無舊新以便民爲先人無戚疏以守正爲用故士恥奇羣民知嚮方耕田而食遂底于今雨暘小衍責躬菲食飢饉時告振廩輶漕憂艱之心常若不及人賴其賜神耳其誠薰然和平無大戒害間修咸平之政大弛逋責中外所釋以千万計飢寒者得以衣食流散者得以安處歌舞之音流于四方遼人恃和時肆猾姦

聞信義敏然知畏迄無一言之爭夏人恃遠更出侵擾一被恩德屢畔仍屈卒爲乞盟之計雖燕處于中實大义于万邦究觀設施莫覓其朕惟約心以公自二王一主洎于外家均遇以法无僥倖之求處躬以儉自飲食服器至于宮室取足于用无華靡之飾雖履大位以天下養而歲月之奉子弟之薦猶視長樂之故是以貴戚近習相視而愧元臣耄老聞風而嘆不言而化成不威而心服自三代漢唐一人而已若夫先王舊儀具在有司每自抑畏置而弗革更冊之禮當在文德也而退即於崇政明堂之賀當在集英也而儀止於東闈將成宣光則原廟之誤自處於治隆將損任子則族人之恩下比於列辟凡輕於約身而重於違禮推之庶政蓋有不可勝言者矣臣夙遭閔凶未習師保之訓提携閔若農之望歲誘之以詩書之樂滋之以勸講之良示之以聽納之寬導之以決斷之明久而弗忘遂以成性方將率德以自廣致養以盡誠而命之弗知哀恫邦國臨朝惘然未知收濟易月之制既弗敢違因山之期茲復以告是用博訪于鄉士受命于祖宗惟德之至不可以名言而功之隆不可以數卒敢因古人一惠之義益以累朝四謚之法庶以尽子孫之誠而慰海內之望謹啓

太尉右光祿大夫守尚書左僕射兼門下侍郎上柱國汲郡開國公食邑六千三百戶食實封二千戶臣呂大防奉冊寶上尊謚曰宣仁聖列太皇太后伏惟靈德在天令名垂世光配廟祐賁于太史沒而不亡永永无極

嗚呼哀哉謹言

奉晉國

安仁保佑夫人張氏

特封吳楚國夫人

仁賢壽夫人

勅朕永懷先帝簪履之遺率旨當今官授之貴而况擁佑聖德夙夜有勞光寵極於一時始終歷於多載不有異數何以示恩具官張氏資性淑均值遇明聖躬執燥濕之役行兼保傅之賢睹致治於承平誠有功於當壯封吳与楚實居四海之上游既壽且賢殆兼五福之美報號名之盛前後莫倫明發有懷匪以爲賜

類編穎濱先生大全文集卷百三十四

類編增廣穎濱先生大全文集卷第百三十五

麻制

除苗授保康軍節度知潞州制

門下上將之任本智略以爲先万夫所望亦材武之兼尚惟擢拜之未幾亟辭疾以告勞言念悃誠式敷明命具官其蚤讀兵法有志事功久踰戎行自奮邊鄙入參環列既被遇於先朝累積歲勞適謀選於元帥遂分旄節之寄克諧卒乘之惟宿衛逾年勤勸爲請愍獨賢於煩屢俾蹠輶於近藩爵加貴名邑銜直食潞子之舊俗武而淳守土之臣事簡且暇於戲建纛而出知寵數之不移勿藥有瘳幸年歲之未暮卧理非壯士之節力疾有忠臣之風勉俟安平起就勳業可特授其官云

除劉昌祚武康軍節度殿前副都指揮使制

門下多畜健兵莫如國朝之盛次補元帥蓋本祖宗之常顧惟方騎之選師重以千廬之嚴徵欲衆心之素服非宿將而莫當誕告在廷咸聽朕命具官其奮由弓劍資以韜金鑿於治軍才出邊將之右勇於對敵声著隴山之西乃者取其先朝指蹤之餘授以平涼總護之貴種羨父困旣欵塞

以來廷環尹適虛歸釋甲而御衆爰加旌節之重以壯軒門之觀旌旛不移什伍如故當使少加号令自益精明於戲仁足附衆則六師不擾威能克愛則万夫可齊亦俾貔貅之徒咸知忠孝之節勉矣未效往其欽哉

明堂呂大防加恩制

門下昔吾祖宗革五季之遺復三王之舊皇祐之盛始寓綱章於外朝元豐之隆載嚴上帝之定位物有成憲數遺後人朕因而循之固有失墜方辛巳之吉躬被冕服祗帥群工礼成不違神貺昭誕降多福均畀在廷具官某篤實而文寬厚而栗在英祖時納忠不回爲名御史在神考時宣力不懈爲賢守臣逮茲纘承即与永弼既全付之鈞軸遂能任我棟梁正顏色而誠意宣出詞氣而忠邪辨左右三載咸乂四方民无煩苛差率舊職稼穡茂遂神人燕安俾我釐事生只成舊章不隊去雖荷帝祉時惟乃功宜因賜胙之恩遂行進律之典增大國邑衍食真封疇爾茂勳戎多士於戲公尔忘私非獨得君亦以獲祐於帝寬而有制非獨善始亦以克要厥終及茲休成同底至道可特授某官云

馬京加恩制

門下廿臣之於故國增望實之隆老成之於典刑有諮詢之益眷吾嘉祐待從之列實推朝廷心膂之臣迨今所存數人而已乃者合宮肆祀百辟駿奔顧瞻舊人方在外服懷想風声之懿豈忘霈澤之加具官某敷大敏明肅恭和惠名冠多士遍居臺省之高華德合前人遂攬兵政之微密紹之煩劇而不妄逞於渾濁而不緇心与善人望推前輩丙吉雖病以陰德而復全肅傳出藩懷本朝之雅意須膺旌節之重以當趙魏之衝坐使中朝不勞北顧宜衍大邦之履仍加真食之封於戲身歷四朝履夷險而致一心通庶務閥義理者尤多豈以中外之殊而廢謀猷之告介尔眉壽左右皇家可特授某官云

劉昌祚加恩制

門下朕因路寢之正奉合宮之祠禮樂法商周之隆車服兼漢唐之盛出款原廟還享上穹職貢充庭工師履位兵衛如植旌旆不煩寶惟有人以克成礼具官某天姿鷙勇性本忠良結髮征羨号馬上之飛將授鉞臨塞皆關中之要區方西鄙之須材會中軍之謀帥異之旌旄之重付之貔虎之師歸閭浹旬旋聞輯睦逮此熙成之慶賴其宿衛之勤既增封爵之崇

仍加直食之厚於戲古之明王立賞以待有功古之賢將有功而耻自列
服予需澤之異勉尔勲名之思貴當益恭老當益壯可特授某官

除文彥博太師河東節度使致仕制

門下周公未嘗之曾老亦居豐留侯晚雖強食終不任事蓋婆寄之重初
無間然而止足之風所不敢廢惟我耆舊歷事祖宗纘服之初復命以位
雖師保之地優佚不煩而丘樊之心朝夕以請布告在位俾聞高風具官
某克孝而忠允文且武其在師旅有方召之勳其在朝廷有崇璟之業士
民視其去就夷狄震其威名時更四朝躬蹈一節先皇帝愍勞以事既
許其歸越予訪落之年凜有涉淵之志起之既老待以仰成出入五年終
始全德進而論道日聞典訓之言倚以折衝卒靖邊防之警委成功而不
外捐暮景以求安勤請屢聞誠心莫奪顧瞻閭井近在洛師郭氏有承
巷之嚴裴公有綠野之勝豈以簪綬之累久致形氣之勞貴極上公既元
復加之爵秩分領全晉仍畀久還之節旌增廣舊封益衍真食殫尽人臣
之寵歸從父老之游於戲音声不遐尚有就問之禮凡杖以俟復期親祀
之陪勿以進退之殊而廢謨猷之告式歲宜言俾壽而康可特授其言

除馮京彰德軍節度使制

門下偪河衛胡固天下之要地建都置守皆前世之重臣雖中外之无虞
實根本之所在非其人則視若虛邑得所付則坐爲長城是用敷告外任
復任舊老且官其名冠多士望高卑朝和而不同性有鹽梅之德磨而不
磷志懷金石之堅入則參領方幾出則蕃屏四國頃加旌鉞之寵俾歸趙
魏之衝宜民宜人靖重而不擾无怨无惡樂易而可親朕不忍奪民所安
故命易節而處升視冬卿之秩併加邑云之封蓋官宿其業則事无不知
民習其上則信而易使方今河流所出近在都城之西故道已堙而歲有
衍溢之慮北流既駛而方患堤防之缺介衆所利卿靡弗聞舊德所臨朕
亦何慮於戰兵民細故責之將佐而可為邦國大猷非吾耆老而誰聽勉
尽白首之節以寬北顧之憂可特授

皇伯祖宗暉加恩制

門下宗祀配天所以教諸侯之孝加地進律所以廣上帝之恩矧維天屬
之尊廿奉樸園之享相子肆祀綏我思成躬率父兄之和以致天人之應
用敷大号昭告治朝皇伯祖某爵封王名冠屬籍貴而能降富而不驕

孝弟壽恭率本天姿之懿威儀問李蚤承師訓之良同我絜齋獻於饋執
進退和於礼節升降比於樂章逮此休戚宜均多福益衍舊封之廣仍加
直食之優於戲承安懿之後思繼前人之令猷兼將相之隆勑圖次輔之
休列茲因受爵之寵益起循墻之恭庶无間然克有終焉可特授

皇叔祖宗祐加恩制

門下朕出款原廟之嚴入謁總章之從師臣外帥多子以靖吾國宗鄉內
帥諸父以正吾家親賢既和天人咸若膺受多福施及四方矧惟族屬之
尊宜有寵光之異皇叔祖其恥爲富貴之習動由禮義之中祗順父兄親
近師友肅若閨門之治穆然朝謁之容秉旄鉞而四方之志行錫茅土而
諸侯之礼備遠鎮容管近毀洛師処之若无久而益慎爰推大資之澤益
章有德之榮增衍故封懋錫直食於戲考之晉人則安平之於武帝求之
唐室則元嘉之於高宗皆以德重屬高恩隆礼翼往祗服於明命思无愧
於古人可特授

皇叔祖宗梵加恩制

門下漢封同姓之國勢遂疎於本朝唐侄宗室之隆用每雜於他族祖宗

酌古今之典篤兄弟之親雖極茅土之封常居朝謁之地眷礼特異前世
莫倫皇叔祖其孝友根心文藝飾性居恭故不聞過行室家理故可以
位官師保不煩朋友稱信乃者顯相原廣之祀齋宿總章之廷謬假无言
質明成礼頤惟大資之澤宜处群臣之先益行故封陪敦直食於戲宗祀
之典所以致孝於諸侯賜胙之恩所以均福於上帝誠觀禮以知義尚修
身而保終祗服寵光永有興焉可特授

皇弟仕加恩制

門下朕惟成王尚幼而紹文武任妙之業時其諸弟之貴則有邗晉應韓
之封皆克保邦以輔王室今子仲叔之衆咸訓祖考之謀方宗祀于文人
以陟配于上帝礼成弗越孝思无窮爰因降福之多以均同氣之盛皇弟
某得天之粹克孝于家典季之祀弗煩于傳觀其師礼之意既有成人之
風受冊且不已賜盟於加礪備儀出閭終有賴於維城朕方推神之休布
澤于下豈茲貴介而有忽遺宜增多戶之封并衍直食之賜於戲富而知
稼穡之事則富可保貴而知君臣之節則貴可全受爵既先於四方終之
豈後於群辟祗服明訓其永有詞可特授

皇弟似加恩制

門下朕明發而興有懷文武之列孝愛之廣施及兄弟之親茲擇季秋之良躬展繡章之祀升侑列考昭配昊天執幣以前肅然如在念賓意之所屬頤同氣之當先皇弟其幼有岐嶷之姿長見肅雍之美克勤朝夕既已无違於家日親詩書知其有志于李爵分茅土之貴任兼將相之榮身能處之不驕人亦期之可久宜益舊封之廣仍加貲食之多於戲顯宗之於東平下要腹之詔明皇之於降慶歎羽翼之詩朕旣无間於伯仲之間尔亦无忘於孝友之行外以事國內以顯親可特授

皇弟偲加恩制

門下古者教成於家治定於國九族既睦万邦咸和今子季弟之親未皇上就傳之禮追先帝眷懷之深意推東朝鞠育之異恩錫命之隆可後之衆皇弟其生而歟大長則惠和氣栗清明有室家君王之喜忘懷恂達知而保教訓之方乃者擇季秋之良修宗祀之礼事天所以報本敬父所以顯親罄海宇之人孰非付託之重念天倫之戚永懷頤屬之隆宜因慶賜之行并衍封食之賜於戲父兄皆万乘之富豈其患貧爵秩旣五等之尊哉

於能降閼恃得之之易當念守之之艱滿而懼傾高則不墜可特授

詔勅

太皇太后明堂礼成罷賀賜門下手詔

勅門下 皇帝臨御海內晏安五經季秋再講宗祀克有君德以尊大心顧吾何功獲被斯福今有司因天聖之故事修會慶之盛礼將俾文武稱慶于廷吾自臨決方機日懷祗畏豈以非薄之德自此章獻之明矧復皇帝致賀于禁中群臣奉表于闈左礼文既具夫又何求前朝舊儀吾不敢

受將來明堂礼畢更不受賀百官並內東門拜表

太皇太后以旱賜門下詔

勅門下吾每臨四方親決方務清心克己凡以爲民而天意弗咸歷時災旱宿來幾尽秋稼未立飢饉旣至疫厲將起齋祠雖切漠然弗應五刑不德民實何罪中自循省寢食皆廢豈政治失當事之害物者尚多上下否塞情之不通者非一刑或不稱其罪用或不當其人有一于斯皆足以上佛天心下擾民聽循致斯旱咎實在吾 皇帝遇災恐懼不敢自佚既命有司降食避殿罷五月朔朝吾亦自今月二十三日後常膳側身念咎

固无吝於改爲協德濟民尚有求於列位

皇帝以旱賜門下詔

勅門下朕奉承統業于今五年臨御宗高未達庶政夙夜祗懼若涉淵冰常恐德之弗類无以下慰民望上當天心今者冬雪不效春雨弗若逮此孟夏旱災如焚麥不充食禾未出土歲事凜凜民且狼狽雖禱祠俗至而神莫之答惟循省自克則災或可消意者政令實施吏或爲害而莫憲欵賦役失當民病於事而莫察欵忠言有壅而未達賢才有抑而未用欵念之雖勤行則未至昭明恐懼之誠意庶幾陰陽之不違可自今月二十三日後咸常膳不御前殿及將來五月一日罷文德殿視朝朕上奉東朝深愧常珍之日缺下臨庶尹猶冀嘉言之上聞苟利於人其无不可

尚書左丞韓忠彥免弟嘉彥尚主不許詔

勅忠彥覽所劄子奏事具悉惟先正魏公光輔三世有勞宗祧雖沒元身其報在後先皇帝追懷忠厚之德許以婚媾之親逮茲奉行實出遺旨雖卿以惡盈爲戒深欲固辭而朝廷謂无德不酬莫回成命謙冲之意嘉歎不忘所請宜不許

不允詔

昔王導以輔政之業郭子儀以專征之功肆其後人皆縣戚里衣冠之盛晉唐所稱未聞其子孫以盈滿爲言而朝廷聽辭避之請也今子先正實配前人築館之恩報功斯在蓋便蕃之寵屬於乃父而事不在卿選擇之命出於先朝而朕不敢易躰茲至意固或固辭

門下侍郎孫固乞致仕仍給寬假詔

朕以篤老之臣於国有肝膽之親而命以位非責其趨走之勞也卿以垂白之年許朕以股肱之用而受其託非徒爲朝謁之勤也今者眷倚之厚朕方未忘聞望之隆人亦無間徒以壽日方迫疾勢未平不能造朝遽欲謝事既非朕所以待卿之本意亦非卿所以事朕之素心人其謂何朕實未諭既命賜告以首養卿其少安而勿違所請宜不允仍給寬假詔

韓忠彥乞外任不許詔

魏公之功沒而不朽先帝之命久而不忘吾有懷舊動擢卿於六官之貲繼因遺旨屬嘉彥以副車之姻推吾此心蓋非一日本將并錄其子以寵其父豈欲獨收其弟而弃其兄比因力辭嘗已臨諭有唐故事非獨一家

本朝已行亦存近比尚茲勤請殊失眷懷吾欲伯仲相望於朝以示國家
不替舊德起視乃職固復煩言

不允詔

君臣之間以誠意相遇則事无不可以形迹爲務則理或難通朕惟魏公
歷事三朝咸有一德功存社稷澤及子孫追讓茂勳述行先志以卿生食
忠良久更事任可以寄股肱之託以嘉彥業寢純潔方及冠歲可以與姻
親之選又隨材分以答勤勞由義而言略无嫌疑之可避顧卿何慮特假
形迹以爲辭况考之古今亦有成例祇服朕訓何歛人言其固復辭以安
厥位

類編潁濱先生大全卷第一百卅五

類編增廣潁濱先生大全文集卷第一百三十六

閏正月

詔勅

孫固乞致仕不允詔

卿以疾辭位義也而朕以事留卿亦義也既皆爲義則卿之所執雖不爲
過而朕之所設亦豈遽非乎尚何力辭以發成命今者四方无虞廟堂之
上非有艱難之慮緩急之政也卿疾雖未復而勢已有間日雖稍乂而事
則无損誠能得告以養疾疾愈而造朝宜若於軀无害也治疾以安身身
強而圖報宜若於国有補也尚何所疑而辭之不已乎勉徇前命无復頌
請所請宜不允

趙君錫免刑部侍郎不允詔

朕以卿仁恕不苛必能哀矜有罪寬平尽下可以詳究微文矧在東方遠
茲累歲觀封駁之无避知廉直之有餘衆言既孚朕志亦定往祗成命因
復固辭所請宜不允

呂公孺免戶部尚書不允詔

方今賦有常供无暴歛之入用循故事有不給之虞朕眷求長才委以足

用虛位以俟累月于茲卿家本世臣早更事任頃位京邑亦既已清辭而不居誰使任事所請且不許

太師文彥博乞致仕不許詔

吾之用卿本以公義卿之事人亦非私意起於既謝凡以爲民矧於陟降之間未竟筋力之儻苟誠在愛民則愈老而民不厭誠在許國則愈久而君益親卿旣以道深結於朝而欲以私自便而去義有未可非吾所知所請且不許

不允詔

絜去就之分厲廉恥之風此新進之士立名於世者之所爲也以朝廷爲家以社稷爲悅此老成之臣竭忠於國者之所志也卿昔以八十之年不卹小廉出徇朝命旣得之矣歲月未幾躰力猶康遽欲告歸朕所未喻豈以老成之望而蹈新進之爲謂宜少安卒輔予治所請且不許

文彥博致仕再免兩鎮不許詔

朝廷數以兩鎮命卿而卿率以固辭獲免抑有由也或特恩之橫被或謝事而得休歷考前後所加猶是公相當礼今者老而復起起而復歸率自

帝師之隆未見前人之比兼持旄節夫豈過哉已却封章姑止可也所請且不允

不允詔

命卑君出禮以義起豈必皆有故事然後得以奉行卿有德有年在朝不見其比或出或處自昔未聞其人矧復兩鎮之異恩旣有先朝之成命蓋昔日之勲未若今日之盛則今日之受豈又前日之非勉聽朕言祗受冊禮所請且不允

文彥博三免兩鎮不許詔

卿股肱四朝而爲二帝師求之古今未見倫擬得謝而去在礼宜殊佩相印特將鉞以爲未足故并付以蒲中漢中之衆所以華國非特以爲卿寵也今辭之不已深所未喻吾志先定卿其勿辭所請且不許
不允詔

朝廷之命審而後發非力辭之所得免也卿親對便坐繼三上章詞已竭矣而朕之素心終不可易且卿兩以師臣歸第前无其比而後无其繼雖兼擁二節孰以爲非者哉所請且不許

許詔

恩之不勝義舊冕卿既告老而吾以至恩授卿二鎮朝有成命而卿以大
義執節固辭雖欲不聽其如義何况卿所陳閏國之躬以謂宗室之故不
當施於群臣而非法所加亦難行於治世詞之以礼衆實謂宜且豈以一
時之恩而廢天下之義哉勉從所請還卿舊節再惟誠悃不忘嘉歎特依
所請云云

允詔

朕惟先朝嘗以兩鎮寵綏大臣者惟魏國忠獻既已一辭於前而卿亦嘗
再辭於後先帝亮其至意爲改冊書天下旣頌先帝之明復嘉二臣之義
今朕嗣守成憲率而行之以卿累章贊之故事實无違者古之君子愛人
以德朕豈忘斯義而廢卿言特依所請云云

河東官吏軍民示喻敕書

敕河東官吏軍人僧道百姓等朕以文彥博四朝舊臣一時耆德起於既
老之後輔子贊服之初奏章屢要陳歸意莫奪師臣之貴爵无復加將鉞之
恩俾還舊第尔故卿之父老安於前尹之威懷比聞冊書想多歡慰今

特授云云

孫固乞致仕不允詔

朕屬任耆老本非旅力之求卿被遇股肱豈可一朝而去雖自以羸瘠為
苦朝謁多艱然而遇事不發思慮之明進對每有咨謀之益何損於政遠
當告歸矧今邊防無異域之虞宥府有同寮之助勉親藥餌仰徇邦家神
之聽之介以眉壽所請宜不允

韓忠彥免同知樞密不允詔

朕以西樞總領兵要綏御邊防事有失於湏更患或貽於久遠是用輒卿
左轄之要付卿右武之權分職雖殊柄用則一易地而已力辭謂何矧復
親黨之微據豈爲腹心之深累勉起視事尚躰眷懷所請宜不允

蘇頌免尚書左丞不許詔

卿家世名臣少小篤厚在昔圖史包括无遺本朝典章指陳可數中以直
道廢於一時終守金石之姿不爲燥濕所變白首在列丹心甚明進轄中
臺斷自吾意勉服休命勿爲固辭所請宜不許

不允詔

卿日奉寶訓進讀金華詞氣裕然進退以禮朕既以熟聞講解之益抑又究觀業履之詳臺中紀綱責在永輔卿其以平昔舊聞施於行事朕亦以所參庶政驗卿前言每為固辭當取成功所請宜不允

再免不許詔

卿首在仁祖之朝已預石渠之選一時同列于今幾人結髮翰墨之場自首忠義之節議論如故志意不衰擢任柄臣蓋旌著德辭至于再殊匪吾懷所請宜不許

不允詔

二轄之司方幾所率不明政事或失於紛更不達當今用或病於膠固朕以卿誦習典章而不厭更闇義理者尤多擢貞左右之職實求咨訪之益雖力辭之不已顧成命之難回所請宜不允

知樞密院孫固乞避親不允詔

朕惟先朝同秉樞機之臣有以親近不許避免之比是以並建長貳之懿不取形迹之嫌今卿以謂无他同寮請循著令雖祖宗舊法不可遂忘而君臣同德姑尔无害豈以纖介之故遽為退老之謀再聞謙辭徒用嘉

勸所請且不允

周尹進興龍節无量童壽佛教書

佛心无為佛壽无量有能繪其真相俾來獻於誕辰勉我以清淨之風祈我以期頤之福忠勤深至嘉歎不忘

治百祿免侍讀不允詔

卿秉心直諒臨事莊栗頃貳憲部持法寬平不屈於權要及領選曹馭吏詳察不撓於煩劇其達於吏治朕既知之矣至於通經博古慨然正論昔由此進今以是老朕寤寐格言而獨未聞焉挾策進讀其勿復避

趙君錫免吏部侍郎不允詔

卿孝友慈祥可以施於有政寬栗柔立可以命之有家適從議讞之勞迂領銓綜之重蓋因已試之效非有躡等之嫌選劇務敏不可久曠勉力思報賢於固辭所請宜不允

文彥博免孫男康世章服不允詔

卿以耆老給扶子孫以進見授服前後既異豈以重複為疑奏牘上聞句其畏慎之過已膺成命因復重辭所請宜不允

朕固乞致仕不允詔

卿逮事聖考於潛宮與聞先朝之大政貴老求舊屬任之意方隆引疾告歸退避之言已甚君臣同德夫豈當然躰力雖衰姑復自勉所請不允宰相呂大防等爲旱乞退不允詔

歷時告旱歲事可虞精禱未孚神貺猶畱朕側身患咎終夕靡遑卿等躬任寢和志同憂患雖引義自責大臣之躰則然而釋位求安有國之計何賴尚講救荒之政以助憂民之誠苟能使旱不爲災則朕復何咎所請宜不允

鄧溫伯免翰林承旨不許不允二詔

卿以文史足用久在禁林慎靖寡尤首承密旨雖云新命率皆前官尚此盤桓固求引避既違朝廷号令之信徒有道路進退之嫌其尚亟前勿爲煩請所請宜不許

翰林以議論爲官而承旨以奉德爲選茲所以歷求多士復用舊人卿旣久在朝廷當識朕意迂延退託雖多長者之風号令文詞宜得宿儒之用

改命不反固辭實難所請宜不允

呂大防等再爲旱乞退不允詔

常賜爲災民瘠已甚朕爲之父母而卿等爲朕股肱相与憂之固其任也然至於求罷職事則匪朕心朕旣自以失德爲疑卿等始復以批政爲念因民情而圖救修旱備以防微既能夙夜在公豈必逡巡去位朕志如是卿其少安所請宜不允

彰德軍官吏軍民示諭敕書

勅彰德軍官吏軍人僧道百姓等朕以魏都要地守難其人馮京名臣姑易其節假尔鄆城之重壯我留鑰之寄矧旌鉞之得賢抑吏民之增氣已頒大号想慰輿情今授馮京其官云云

馮京免彰德軍節鉞不許不允詔二首

老臣所在衆志自安邊鄙震其威名吏民習於條教事可坐完政无更張是用因魏都之舊疆換鄆城之新節乎另旣布僉謀畢同方慶得人之難遂覽飛章之請吾命惟允卿其勿違所請宜不許

魏博重鎮舊用老臣旄節寵章制存易地朕以卿著稱多士旣歷三朝卧治此邦於今再歲復欲借君以爲重蓋亦因民之所安豈其固辭而可得

免祗服成命永綏北郊所請宜不允

文彥博免致仕合得五入恩澤詔

朝廷以恩遇老臣无所不厚而卿以礼自克辭不敢居卿既見得思義以律貪夫朕不能成人之美以明晚節蓋知損之為益是以高而不危所請宜允

范百祿免翰林學士不允詔

卿蚤以直言預英祖之選中以直道干神考之知侃然立朝老而益劭朕欲訪經籍討論之助求文章潤色之工既已賓卿金華之中茲又擢卿玉堂之上矧復班六曹之首无躊躇等之嫌繼仲父之賢有傳家之慶朝廷有成命勢不可違時方湏才義亦難奪所請宜不允

擬合祭天地手詔

元祐中撰

朕惟周禮王者親祀天地歲无不徧故郊丘有南北之辨禮樂有同異之別降及漢唐事與古異禮文浸盛費用增廣既難躬行以徧享遂於三歲而親祀事非周舊禮適時變故致齋之日躬見祖考圓丘之草蕪祀天如

此盛典咸秩百神變禮之得實始於此故祖宗以來常祀從周而

列祀周唐神祇顧享中外蒙福百有餘年矣者元豐之中禮官建議將
革三代之故而革近世之宜見上帝於南郊禮皇地於北壇二祀特奉
之言與周合然而享廟之制尚從郊禮先帝法古從衆始命親祀北郊如南郊
儀仍具上公攝事之禮朕踐阼臨祭於今八年既已再見昊天未嘗親奉
神媼惟父天母弟不可以獨疏故以人揆神凜焉而夕惕博謀多士參諳
輔臣或欲郊祀之歲先行方澤而大禮之奉併在暮年仲夏之時憂於日
者雨或欲以夏至之祀施於孟冬而考之前王初无此制併奉大事勢終
難行或欲天地二祀互用三歲而祀天廢地情既未允以卑略尊尤非順
國之大事朕何敢專是用存先帝之新儀昭示稽古之訓循祖宗之故
事本沿情之實將來南郊合祭天地並以百神從祀皆如熙寧十年以前
舊制其元豐六年親祠北郊及上公攝事儀注並令太常寺檢尋元敕如
法收藏仍備錄前後文案送國史院及令三省條件合用舊典令禮官詳
定儀注聞奏

改園陵爲山陵手詔

天行太皇太后受遺稱制保佑躬勤勞九年阜安西海大德未報奄弃

東朝在宣末命中外悲愴永惟平日謀恭之至意每避先后臨御之常儀
逮茲遺言止以園陵為号既非朕尊崇之本志又失臣下愛戴之誠心宜
詔有司易園陵為山陵餘恭依遺詔

擬答西夏詔書

嗚惟祖宗兼覆中外眷爾西夏号為父子之邦依我至仁世享爵秩之賜
雖叛服非一而懷柔有常頃朕繕服之初深示含容之意釋其往事加以
新恩而冊命之使方還寇攘之兵已發將吏憤怒鄉士獻言請與問罪之
師以詰稱亂之故朕念尔在位未久勢不自由有旨弗率衆則何咎遂命
戢兵以俟尋亦歎塞自歸仍念兵禍以來諸族咸弊是用弃四塞山川之
廣界每歲脅子之豐開懷不疑施德過厚方盡疆而會議勿掃境以乘虛
再犯誓言專求小利罔念自焚之禍屢出无名之師眷彼遺民皆吾子
姑敕邊吏止為保境之謀亦許兵間勿拒悔禍之請今觀所奏良副本心
接刃之殃非從我始來庭之順豈不爾然尚託詞鄰邦失誠請之意多
求邊壤非款伏之宜蓋中國舊疆西番故地已有前詔不係可還况復本
前後背誕之餘難執向來委曲聽從之命應奉所奏乞除延州塞門

是本非所賜已指揮鄜延經略司依前後條旨分畫又通遠軍定西城東
北界見有漢蕃兵民住坐去處已指揮熙河經略司依前後朝旨与夏國
商量分畫可差官前去熙州議定其餘並依所乞仍候畫界了日依例別
進誓表然後常貢歲賜一切復初朕本推誠心坦无疑間雖經反覆猶示
寬恩高恪守於信言庶永綏於蕃服

類編增廣頤瀆先生大全集卷第一百卅七

北門批答

門下侍郎孫固乞致仕不許不允批答二首

覽表具之吾不出帷幄臨御家邦實賴股肱之良以持綱紀之要於其進退顧可輕聽之哉每頃自近藩擢貳東省本以年德之固非有筋力之求若夫正顏色出詞氣使人望之而忠誠可信鄙倍自遠斯可矣豈以一病未能造朝遂欲捨而去哉誠請雖勤於義未也所請宜不許

省表具之御事先帝於東宮覽兵要於西府忠厚之節始終不渝朕敷求舊人所得无幾親之信之以爲手足尊之重之以爲蓍龜非有大故不可弃也豈以一病而輕去哉雖會朝之常儀与坤成之大慶未能自力蓋亦何疑尚寧乃心終輔予治所請宜不允

劉昌祚免殿前副都指揮使不許不允批答二首

覽表具之衛兵虛帥累月于茲召節亟還詳章繼入既匪眷懷之素復稽總護之宜与其飾說以固辭孰若勤職而圖報所請宜不許仍斷來章省表具之即結髮兵間著績境外歸後環衛本以次遷累避節旄再形謙

請碑成命之不反宜就職以元辭所請宜不許

文彥博乞致仕不許不允批答二首

覽表具之卿以衛武之年踐呂尚之位安然无作則功名自隆默然无言則知尹自化當以至靜之德坐鎮群動之樞不勞施為以備筋力今者初畢之祀遽聞告歸幾務多閑朝謁非病屬任既重披閔為疑方假百年之令獻以觀庶尹之成效來請雖切殊匪吾心所請宜不許

省表具之老而謝事古之禮也而勢未可去蓋有不得謝者矣卿元豐之間引年而歸隆知足之風元祐之初承詔而起敷急病之義既進退之兩得謂始終之不渝方朝廷政事之優閑而卿志氣之康裕雍容師保之地儀刑鄉士之前朕之望卿意未有文誠請雖至義不可從所請宜不允

呂大防免明堂恩命不許不允批答四首

覽表具之吾聽政九重逮今四載觀孝孫之致享奉文子以配天神人既和礼樂備卒終事如素孰尸厥功顧惟元臣宜与有慶往服休命其勿復辭所請宜不許

省表具之朕臨御諸夏迄仰四年格茲秋成躬致禋祀燮和鎮撫庶土若

然宜惟一朝顯相之勤實賴同德贊襄之恭國子成憲時錫寵音旨固復辭勉服休命所請宜不許

覽表具之寵至而辭抑惟常礼義當而受顧亦何疑永言宗祀之嚴實賴顯相之助加惠百辟罔遺一人豈其股肱之良而无封邑之寵成命不易抵受勿違所請宜不許仍斷來章

省表具之朕奉祀合宮祇見上帝諸侯致享述臣侍祠凡執豆籩咸被慶賜矧予元宰實代天工獨執謙言孰先多士勉膺成命固復固辭所請且不允仍斷來章

劉昌祚免恩命不許不允批答

覽表具之卿國之虎臣帥我爪士總章大祀宿衛有勞宜為六軍之先以承大資之慶辭而不有殊匪吾心所請宜不許

省表具之卿為環列之尹職在訓齊方總章之祠勞於宿衛礼成加惠國有舊章上自將帥之聯下逮什伯之長咸錫休命罔遺一大苟將獨辭何以率衆所請宜不允

覽表具之朝廷治安將帥閑暇罔優推賞或疑无名孰知養之之優

蓋由責之之重鎮靖吏士折衝奮勇若誠能之尚有大者往服成命
則復固辭所請宜不許

首表具之朕三歲親祠百辟來助因上穹之降福靡好爵以廣恩非
獨爾私尚將何避若夫閭外之寄師中之權朕既不以私假人猶亦
宜以功受祿今此成命其勿固辭所請宜不允

中書侍郎劉蕡免恩命不許不允批答二首

吾雙日而朝勤勞政事四歲之久庶幾成有幸斯民之小康見合宮
之再享豈伊寡德實賴群公為天下之信安夫何賞之不可大賚之
慶胡以辭為所請宜不許

朕歷三歲以親祠罄四海之來祭雖祖考之德足以致此而左右之
助豈其无人矧夙夜在公直諒不倚成我熙事尔勞居多惠澤之均
率由舊典已行之命其罔固辭所請宜不允

尚書右丞許將免恩命不許不允批答二首

然有天澤惠及庶工凡自通籍之臣莫不指日而待卿位在丞輔手
執紹綱辭而不居衆所大喻矧成命之不反宜勿受以勿違

朕祇見昊穹嚴奉文考鄉以儒術用於先朝蓋臣任有求舊之心
顯相有逮事之感實先多士推需渥恩其笏固辭往服成命

文彥博致仕免兩鎮不許不允批答二首

凡自一命告老子朝考之僅置必加以爵蓋所以敦始終之義礪廉恥之
風國之故常吾敢失墜卿自祖宗之班第將相之權得謝神考之朝既
履師臣之貴老而復起功成告歸豈以上公之尊不如命士之寵兼鎮之
重故事可推雖曰非常之恩孰是元臣之比勑膺成命毋煩固辭

朕越自冲年嗣成大統念昔師臣之美起卿謝事之餘父老在朝國勢增
重誨言時至典孝白新方當問道之秋遽聞歸老之告留之不可爵之
尤加推崇舊章以錫成命因有餘而戒得雖寡乃心念不足於報功亦伸
朕志所請宜不允

韓忠彦免同知樞密院不許不允批答二首

吾以二三大臣分領兵政庶務雖職之湏簡或異而事之緩急略殊然而
屬任惟均出入无間卿既與聞國論豈不明吾此心安有怠轄中臺則足
以參機微之次至於論議西府則不能處軍旅之宜尚躋眷懷元復謙請

所請宜不許

惟乃先正歷事累朝經國論道有賢相之規治兵御戎得名將之略風績
猶在子孫不忘今朕平以試卿意卿得其遺意勉膺成命其勿煩請上可
以幹國之盡下可以信父之志所請宜不允

蘇頌免尚書左丞不許不允批荅二首

國方治安典章文物可以御世朝有耆老風采議論足以服人吾以卿夙
守名節練達故事奉而用之豈苟而已勉起就職毋發成命
朕若稽古訓況於祖宗之法何所不考思得良士達於今昔之故明以來
詔以卿立朝滋久稱道不亂擢宣綱轄之地以爲先後之寄明躰茲意毋
復來請

呂大防等乞御正殿復常膳不許不允批荅二首

吾勤而臨政志切爲仁凡克己以濟民比日力行而不恤矧今久旱傷稼憂
在阻飢豈以菲食逾旬指爲難事而卿等因是微澤率然上章雖嘉乃誠
殊匪吾意夫旱災之後荒政之所備者尚煩秋種雖生終歲之可虞者非
一与其君臣釋然而忘惠孰若上下相徹以圖安堵于降食之文以示長

天之寶所請宜不許

歷時不雨天之告戒已深因旱責躬朕之誠意未迨今雖小雨繼至而二
麥已傷飢饉有已見之形禾未尤必穢之理狼等遽陳謬說請求復故常朕
仰畏天威下念民瘼深愧治朝之盛未知肉味之甘矧復神毋愛民憂心
如昨朕獨何意遂奉舊章湏歲事之有成与天意而皆復

第二表不許不允批荅二首

吾性本恭儉居不求幽尋方旱災懼若无措是用側身念咎貶食以祈上
將荅於天心下以慰於民望今者膏澤既至黍稷可期此則上帝仁愛之
深斯民賴寔之幸在吾祗懼何敢弭忘卿等俗位股肱亮此誠意豈可因
風雨之微順忽陰陽之久愆方歲事之多虞始復少竊苟民食之既足吾
亦何辭所請宜不許

朕獲守不基未嘗師保之訓不有善政以干陰陽之和去冬以來時雨弗
若譖生吳父逮今一歲有餘戒懼之誠豈以一雨而足求惟朝會之禮百
辟具來膳飲之常庶珍咸在方斯民之未裕匪朕意之所存卿等寄存腹
心志同憂樂奉我以黼宸之盛不若從我於无過之中厚我以玉食之華

不若助我以振濟之善

第三表不許不允批荅

乃者雩而得雨半麥既傷田雖可耕未悉猶病吾淮農天之不易歲事之多艱未忘戒懼之誠不遑口躋之養今者時雨繼至秋稼稍蘇猶等漏与庶官求信前請吾將推先王菲食之意以終斯民豐歲之祈行之雖久而不謂勞鄉其姑止以成吾志

朕庶政不明常賜爲譴奔走祠廟降黜屢常亦既逾時僅而獲雨永惟天意之難復民食之未充庶幾終歲之登成未免茲心之忧惕虛治朝之列位損內饔食之常羞於朕猶曰未安而卿等遽以爲請昔成湯自省以七事楚莊常懼於无災朕旣嘉則王之小忿豈以一雨而遂懈

第四表許允批荅

吾聞天之降旦本以仁愛人君君知畏天乃克保有邦國故旱雖傷稼而恐懼修政則變或可消雨雖應期而怠忽忘災則惑未必須若膏澤存至群言上聞吾夙興念此降食如故今勤請繼至屢却弗回惟衆意不可重違故事不可終廢膳羞之設雖勉強以復常修省之心終頃刻而不去

尚賴多士同致此誠所請宜許

畏天卹民卒朕躬平日之志避殿損膳抑祖宗故事之常乃者亢陽爲災甘澤未遍朕祗率舊典以行奉心茲因屢請之勤審知時雨之足苟无憂於民食豈必廢於邦常朕旣用僉言正坐食珍不改國朝之舊卿等亦廣五意修政謹備常若水旱之來所請宜允

皇伯祖宗暉免恩命不許不允批荅四首

季秋致享群后在廷卿奉祀濮園首帥宗子相我熙事不忘肅雍逮茲礼成宜受帝祉矧朝廷之寵數皆祖宗之舊章雖執謙辭莫回成命先諸臣矧茲均福之餘本緣升祿之慶祇服成命其又何辭

无言不酬无德不報古之道也總章之祀成于顯相雖駿奔走執豆籩皆被其澤矣而况於王乎雖復固辭難遂來祝

屬尊則禮必異親近則寵必先國之舊章朕何敢廢矧惟合宮之祀寶賴顯相之勤雖欲不居懼失常典載嘉誠請難徇固辭

皇叔祖宗祐宗疎免恩命不許不允批荅四首

吾祗命元孫躬享上帝父兄在列君臣肅然熙事告成大霈時幸宜因休
命之降以爲群臣之先執謙而辭殊匪吾意

朕躬享上帝陟配文考事天事親一卒而得既受帝祉懼不敢專恩与父
兄共享其福若尊屬懿親辭而不有謂群臣何其聽朕命服此休寵

祭祀之澤神所照臨祖宗之舊吾无加損卿侍祠夙夜終事肅雍既同百
工咸被光寵豈獨潔已固陳謙辭艱請雖堅成命莫改

朕既有事于明堂凡執事之臣咸与有慶矧諸父兄之貴朕所尊禮而祖
宗之所顧享者耶辭至于再深所未諭尚躊至意无復煩請

皇弟仕似僕免恩命不許不允批答四首

吾奉承先緒成就諸孫宗祀合宮茲見元良之盛大需寧寓特先仲叔之
賢率時舊章錫以休命躋我眷厚其勿謙辭

兄弟之義譬如手足憂喜同之朕有事于合宮徼福于上帝中外臣庶
咸被其澤豈予諸弟之親而有不遍者乎朕命惟允其勿辭可也
席父兄之貴居王公之尊典礼旣行爵命自至茲以廣愛豈將期驕与其
被命而力辭孰若居寵而知畏退服異數母忘益恭

宗祀文王以配上帝此周禮也詳平諸儒歷世不決待我聖考一言而
定朕奉而行之固有增損至於礼樂之文赦宥之澤咸有成法非朕所私
豈余諸弟之賢弗迪前人之訓祗服寵命其勿固辭

書

皇帝明堂宿齋第一次問太皇太后聖躋答書

太皇太后致書于

皇帝祇事總章竭誠齋宿上承天以報本內嚴父以顯親克慎多儀永
膺無祀

皇帝國有舊章禮嚴宗祀祓齋殿幄之秘和調玉食之精益慎孝思以
逆純嘏

皇太后答書

皇太妃致書于

皇帝齋居小朝躬承大祀穆然靈室之邃燠乎右坐之嚴祗率舊章以

承天貺

第二次 太皇太后答書

太皇太后致書于

皇帝祀嚴三歲上告中辛既結佩以齋心將奠玉而致享克勤陟降以接明靈

皇太后答書

皇太后致書于

皇帝講禮合宮祗事上帝將儀式於文考以教孝於諸侯尚慎威儀以承佑享

皇太后答書

皇太后致書于

皇帝上帝降衷文考升侑精誠盡於齋宿進退比於樂文罔有告勞以須降福

皇帝謝禮畢 太皇太后答書

太皇太后致書于

皇帝奉承天休續嗣先烈四及春秋之士再欵宮之嚴礼成不違神貺昭答益懋仁孝之奉以格天人之和

皇太后答書

皇太后致書于

皇帝秋物豐成克致粢盛之奉群心祗若式觀職貢之來內外殫庶物遂率多儀之盛何慙累聖之隆降福孔多克勤无斁

皇太后答書

皇太后致書于

皇帝潔齋居外有夙夜之勤旋辟致恭尽礼樂之變仰以報功於上帝俛以祈福於斯民及此休成蓋亦勞止求膺福祚以保家邦

頌濱大全卷第百卅七

文化文庫

